

**ASO GAFUA, 28 IANUARI 2019**

*Na toe amatalia Taulumaga a le Fono Aoaofa Faitulafono i le itula e 7:00 i le afiafi.*

**FOFOGA FETALAI:** Ou te faasilasila atu ua toe amatalia nei taulumaga ma galuega a le Fono Aoaofa Faitulafono. Avea lenei avanoa ou te momoli atu ai le faamalo ma le agaga faafetai, malo le onosai, malo foi le tauatai i la tatou Fonotaga i lenei tau afiafi.

**TULAFONO TAU FAAOFI MO TAGATA SOLITULAFONO TOE  
FAAFOI MAI 2019 – faitauga faalua**

**FOFOGA FETALAI:** O le galuega lena o le a faapea ona tapa le Afioga i le Palemia mo sana saunoaga.

**Susuga Hon TUILAEP AUELUA FATIALOFA LUPESOLIAI LOLOFIETEELE NEIOTI AIONO GALUMALEMANA Dr. SAILELE MALIELEGAOI:** Lau Afioga i le Fofoga Fetalai ou te faatu le lafo, *Ina ia faitauina nei le Tulafono Tau Faaofi mo Tagata Solitulafono toe faafoi mai 2019 i lona faitauga faalua, ma ou te fia tautala atu foi i ai.*

*Faalua e le Minisita o Pisinisi, Alamanuia ma Leipa ma le Minisita mo le Soifua Maloloina.*

**FOFOGA FETALAI:** Tapa ma le faaloalo lau Afioga i le Palemia mo lau saunoaga faamalamalama.

**Susuga Hon TUILAEP AUELUA FATIALOFA LUPESOLIAI LOLOFIETEELE NEIOTI AIONO GALUMALEMANA Dr. SAILELE MALIELEGAOI:** Lau Afioga i le Fofoga Fetalai o le sini autu ma le mafuaaga e pei avatu faamatalaga e faamalamalama ai. O se Tulafono ua taumafai e aiaia le faafoega ma le fetufaaiga o faamatalaga e faasino i tagata solitulafono ma pagota toe faafoi mai. Ma ua i ai manaoga e mataitu ai tagata solitulafono nei mai fafo, e faamoemoe o le a fesootai i ai. O le sini o le Tulafono Tau Faaofi, o le matauina o le taunuu mai o tagata solitulafono ma pagota e toe faafoi mai, ma gaioiga e tataua ona tatou faia e puipui ai le saogalemu o o tatou tagata. Lau Afioga i le Fofoga Fetalai, o se mataupu lenei ua fai ma faalavelave i lo tatou Malo ona o tulaga ia e tulai mai pea i atunuu nei e i ai Ausetalia, Niu Sila ma Amerika o lo o i ai o tatou tagata. Ma e solitulafono matuia loa, ona toe faafoi mai loa lea.

O se mataupu ua laga soo i totonu o Fonotaga a Taitai o Malo o le taupulega. Ua faapena foi ma Fonotaga nei faataitai o le Pasefika ma fai ai lea o feiloaiga ma sui o Malo tetele nei tai pei o Ausetalia, Niu Sila faapea foi ma Amerika. O le tulaga la o Amerika, o se faafitauli ogaoga lea ma isi foi atunuu tulata e pei o Karepeane. O ituaiga uiga ia e solitulafono loa le tagata tipoti, ao atunuu mauoloa i latou ia e alaala ai i latou ia ua solitulafono. O le mafaufauga o lo o avatu i atunuu nei, amuia outou e tele a outou tupe, e fai lelei ai mea e nonofo ai tagata nei. Ao le solitulafono o latou sa tautua ia te outou ma toe faafoi mai i lo matou atunuu iinei, e le o ni atunuu tetele o tamai atunuu, o le uiga vaivai tele lea. O le atunuu pito i laitiiti lava i totonu o le lio lea o atunuu o le Pasefika, e na o le 52 tagata. Afai la ua toe faafoi ane se toalua pe se toatolu, o ni tagata solitulafono matuia e pei o le fasioti tagata, po o le a, e faigofie lava ona latou pulea ituaiga atunuu faapena.

Sa i ai foi le feiloaiga ma le Malo o Niu Sila i mataupu lava nei. O lo o fautua Niu Sila ia Ausetalia i le toe faafoi ane o tagata solitulafono a Niu Sila mai Ausetalia, ao la le foi e faafoi mai e Niu Sila foi o tatou tagata i Samoa nei, aua o le latou lena fesoasoani i atunuu nei tau atiae. O le solitulafono a tagata ma o latou tagata faasala ai pea e latou, ae aua le toe faafoi maia ma le faalavelave o mea tau fufulu. O lea la e le o gauai mai Malo nei o lea lava e faafoi mai, o i latou la ia e toe tipoti mai e mafua ai le Tulafono lenei, se i tau teuteu ai la tatou Tulafono e mataituina, ia mafai ai faaiuga ia i latou nei. Ona o lea e aliali mai o nisi o i latou ua suia amio, ao isi lava ua atili ai ona leaga.

O le isi toalua na omai mai Amerika lea na fasia le palagi e le i mamao tele atu. O le toalua lea na aumai i Niu Sila o laua na na gaioia le teugatupe o le lotto Samoa, i nai tausaga ua tuanai. O le taua la lena o le Tulafono lea mo le puipuiga o tatou tagata mai amioga a Samoa nei ua toe faafoi mai fafo i le amioleaga ma le solitulafono.

E tele lava le gaioiga o lo o fai nei a lo tatou Malo, e lagolagoina ai se tasi o faalapotopotoga o lo o taumafai ina ia toe fuataina le ola o latou nei. Aua o isi o i latou nei mai fafo ua matua sui atoa le olaga, sui lava sui, nisi o i latou ua faifeau a nisi o ekalesia. O ituaiga gaioiga la na, o lea e taumafai ina ia toe suia atoa ai le olaga o i latou nei ua tipoti mai.

Lau Afioga i le Fofoga Fetalai, faapuupuaina atu ona o nei mea e fou foi ia i tatou. E i ai le tausaga na telefoni mai ai le Kovana o Amerika Samoa, pe mafai ona aumai a latou pagota e loka i Tafaigata ua mu lo latou falepuipui. Ona ave loa lea loka le aualii nei i fale i fetaulaiga ala e pito pisi ai lava taavale i Tafuna, lea na mafua ai ona telefoni mai. Ona ou fesiligia lea o le Loia Sili, se i tilotilo ia tatou Tulafono, pe mafai se mea faapea. E i ai lava le agaga e fia fesoasoani atu i o tatou uso a malo. Ona ou fesiligia lea o le Pule sili se i o matou tilotilo ia tatou Tulafono, na na mautinoa ai e le mafai. Aua e taunuu mai loa tagata na i Samoa ona saoloto lea.

O le fesili, o le a le mea o le a aumai ai fua ae le tuu ai pea i o. Fai mai o le taimi o le afa o le fa, ae o le taimi fia taele lea o pagota, ona fetaiā solo ai lea o faagaau ma taele telenonoa ai lava lea i fafo ane o fale.

Lau Afioga i le Fofoga Fetalai, o le iuga e le i mafai ona aumai ona o tatou foi Tulafono, o le tulaga lena i le faafoefoega o tagata nei i le talii mai ai. Mo le taumafai ina ia fai ni faiga e toe liliu ai o latou soifua, ae le gata i lena o le puipuia

foi o o tatou tagata mai le tulaga o le atili ai ona leaga, ma atili pau atu ai i le malaia.

O le faapuupuuga lena lau afioga o le Tulafono.

**FOFOGA FETALAI:** Malo faafetai, ua manino auofala i le faamalamalamaga a le Malo. O le fesili pe o le a faitauina nei leí í .E toatolu sui usufono, faapuupuui mai aua o lea ua manino le Tulafono. Tulai mai le sui usufono mo Aleipata Itupa i Lalo.

**Afioga TAFUA MALUELUE TAFUA (Aleipata Itupa i Lalo):** Faafetai i lau Afioga, faafetai foi i lau Afioga i le Palemia mo le Tulafono matagofie. O se Tulafono lelei ma aoga mo le gasologa i luma o tagata toe faafoi mai sa falepuipui i atunuu i fafo. O le taua o lenei Tulafono ona o le e matau o tagata nei, o nisi o latou ua uma ona serve o latou faasalaga i fafo, o nisi o i latou e le i maea lelei, e palola mai ia tatou, ao nisi foi ua ova aso ia faafoi mai loa pe a uma le solitulafono.

Ao le saunoaga a le Komesina o Leoleo i le tausaga ua tuanai pe a ma se 33 ea tagata na faafoi mai. O le matua tele o lenei fuainumera e aumai e alu ai tupe a lo tatou Malo mo le faagaoioiga mo nei tagata, aemaise a la pe a faapea e toe rehab ia tagata nei. E 10 mai Niu Sila, 1 mai Ausetalia ma le 22 mai Amerika. Sa fai ai lau tautalaga i le aso lea o le workshop. E toalua nisi o nai ou aiga, e faafoi mai le isi alii mai Amerika, ao le isi alii e faafoi mai Niu Sila, o le fasioti tagata prime crimes. Aua e tasi lea vaega na taua e le Komesina, e tasi lea vaega sili ona faigata, e fa ituaigaí vaega o le faaoolima po o le faamisa, o sauaga mataga o fualaau faasaina ma tagata foi ia ua leva ona tafafao i o ma o i aso ia, maua loa ua solitulafono faafoi mai, pe a maea ona solitulafono.

O le ala o le tulai atu ma le faaaloalo o le momoli atu o le agaga faafetai ma le faamalo i le taua o le Tulafono lenei. E i ai nai aulape e fia tuualalo atu i le Afioga i le Minisita. E manaia pe a, e soo se tagata lava e aumaií o le isi vaega e escort mai pe a o mai. E sau ai le leoleo Amerika po o le leoleo Ausetalia po o le leoleo Niu Sila foi e faafoi mai. E manaia la pe a i ai se maliega i lalo o le ....ua uma ona ou talanoa i le Komesina i le aso lea sa fai ai le workshop. E logo le tagata lea e escort maia le pagota e sau ma aumai le record pei se history o le pagota lea na aumai pe a uma ona serve lona faasalaga. O lona lua aumai uma details o le background o le tagata, po o se tagata e i ai sona manaoga faapitoa, faaetonu le mafaufau ua tupu ai le faalavelave. Po o a uma lipoti taua a le falemai sa tuu i ai.

O lona lua, o le tele o nei tagata sa solitulafono, ua leva foi ona galulue i la atunuu. Sa totogi a latou lafoga, o lona uiga o la e i ai nai tupe e faafoi mai i lo tatou Malo e fesoasoani mo le tausiga o tagata nei. O lea foi e manino e i ai le charitable departure trust aua e tasi lena vaega o lea e fesoasoani malosi. Masalo e suetupe lava i latou e fesoasoani i le tausiga o latou. E moni ai le saunoaga a le Palemia, o le toatele o tagata ia e o mai, o nisi e o mai ua faifeau, ua liliu le olaga,.....o tagata nei ua matua lelei lava le olaga. E silafia lelei e le Minisita lea mo le Matagaluega mo Pisinisi, Alamanuia ma Leipa, aua o lana matafaioi tonu lea sa galue ai i Niu Sila. Sa pule i se tasi o falepuipui tele i Niu Sila. Iam sure e ioe mai le Afioga i le Minisita i le tala lea ou te fai atu ai, e le faigofie nei tagata, e eese uma foi tagata, o isi tagata e aotauina lelei i mea lelei, ao le isi tagata e sau

na o mea leaga lava e sau ma ia. O lea la e pei ona saunoa le Palemia, o le isi aualii lea na o i le í po o le lotto shop ea po o le a le mea na i ai. O isi foi tagata e o mai, o le mea e sili ona leaga, o le omai ma aumai o latou uiga ia le talafeagai i pulega faalenuu. O matou lava i tua i lo matou nuu, e leai ma se mea e faaletonu aua foi e mataitu lava e matai ma aiga lea e i ai tagata nei. Ao tagata foi nei, o le matua lelei lava o amio, e leai ma se faaletonu. E leai ma se moliaga e aumai i luma o le nuu leai se faaletonu. Ae tau o loa po o se galuega po o le a, e matua pau lava i ai le sasa ma le sala e faasala ai faalenuu. E le gata i lea lau Afioga, ao le taua o le mea lea o le pulega a matai, e tau off loa ua tau alu ese ma le laina e tatau ona i ai, ona aumai foi lea i luma o le nuu aoai ai. E na o se tuualalo lau Afioga. Ae faafetai manuia le aso.

**FOFOFA FETALAI:** Malo saunoa i le sui usufono. Tulai mai le sui usufono mo Vaisigano Nu 2.

**Afioga TAPULESATELE MAUTENI TAMASONE METULI II ESERA (Vaisigano Nu 2):** Faafetai i lau Afioga i le Fofoga Fetalai. E faafeiloai atu i lena itu o le Maota faapea foi lenei itu, Ofisa sili o Pulega i Matagaluega ma Faalapotopotoga ma le mamalu o le Ofisa o le Fono. O le tulaga lea e fia fai atu ai se faamatalaga puupuu lava, o le tulaga lea i le faagaioiga ma le faafoeina o le Tulafono.

E i ai le talitonuga foi lea i le Matagaluega lea o Falepuipui ma le vaaia o tagata solitulafono. E i ai le talitonuga e talafeagai i le vaavaai atu foi i ai le Matagaluega lea. Ae o lea e matau atu o lea e i ai lava isi Matagaluega, e lagolagoina le faatinoga o le tautua lea a leoleo. Ae pei e i ai lava se manatu foi lea, ona o lea e i ai ia... e ui lava e tau o le ausolitulafono, ae e pei e toatele le au foi mai... ia tagata sa falepuipui. E pei o le tulaga lea e fai ai se manatu i le vaega lea. E taua le finagalo o le Palemia, e malamalama lelei foi lenei sui usufono i le tulaga o le Tulafono ae pei o si vaega laititi lena sa manao e faailoa atu, faafetai.

**FOFOGA FETALAI:** Malo, ia tulai mai le sui usufono mo Vaimauga i Sasae.

**Afioga SULAMANAIA FETAIAI TAUILILI TUIVASA (Vaimauga i Sasae):** Lau Afioga i le Fofoga Fetalai e faatalofa atu i lenei itula o le afiafi i le Fonousu foi a lo tatou atunuu. Ia e faafetai faapitoa foi i le Afioga i le Minisita, po o le Afioga foi i le Palemia ma lana Minisita Lagolago, aemaise foi le Komesina o Leoleo ma le Matagaluega i le tuuina mai o le Tulafono e faafoe ai si o tatou atunuu. E pei lava o le agaga o lenei sui usufono e fiafia lava pe a aumai ni Tulafono foi a Matagaluega ina ia faafaigofie ai le faatinoga o le tatou auunaga. E momoli le agaga faafetai ae e pei o lea e vaavaai atu lou nei sui usufono, e pei o lenei Tulafono e pei e lilifa i le Komesina ma le Ofisa o Leoleo, i ai latou ia ua aumai faasolitulafono.

O le tatalo a lenei foi itumalo i le Afioga i le Palemia foi ma le Minisita e ona lenei Tulafono, ia po o le faiga foi lea Faava-o-Malo. E pei o le popolega o lou nei sui usufono a aumai nei ia pagota nei e aunoa ma se silafia e le Komesina o Leoleo, ia e le mafai foi ona latou fetagofi i le form lea e aumai i le malaevaalele lea e declare o latou o pagota. Ia e pei o le popolega lea e i ai ina ia mafai ona... ia

a faapea o le a tipoti mai ma auina mai, ia logo mai e le Matagaluega o Falepuipui o Niu Sila, Ausetalia po o le Matagaluega foi o le Palemia, ia o le vaiaso fou o le a taunuu atu ai ni pagota se toalua. Ia o mai la ua tatou tapena atu ia le Komesina o Leoleo ma le tatou Malo i le aumaia o nei pagota. E le gata i lea ina ia logo foi aiga o nei foi pagota, ina ia mafai ona aumai ona susesueina lea ia ma tuuina atu i totonu o afioaga e o mai ai nei tagata ina ia faalauiloa ai, ona o le popolega lea e i ai, o le tele lava o pagota ia e o mai e le o silafia e lo tatou atunuu. Ia ae o latou na e tatau ona faalauiloa i le atunuu, ina ia faapena ona malupuipuia ai si o tatou atunuu ma faiga faapena.

O le isi vaega o lea e matau atu o lea e le o i ai ia le Matagaluega lea o le Soifua Maloloina i le falemai e pei o Matagaluega ia e tatau ona galulue faatasi ma leoleo. Ia ae o le tatalo pe mafai ona toe tuu i ai ma le Matagaluega lea o le Soifua Maloloina, ona o le tele o pagota e aumai, o nisi ua le natia e pei ua faaletonu mafaufau. Ia o nisi foi pe le o omai ma ni faamai. Ia ae tatau ona i ai le Matagaluega o le Soifua Maloloina, ina ia mafai ona susesueina ia tagata po ua atoatoa i ai tulaga faapena. E pei o le popolega lenei o lenei foi itumalo.

Ae o le malosiaga o lea e popole ai, ona o pagota nei e aumai, ua matuai popoto e faatino ia fuafuaga foi na e faasolitulafono, ne i o mai o atu ai le Matagaluega o Leoleo i le malaevaalele soona faatino nisi fuafuaga, ona mafai lea ona sui ai le tatou Malo. Aua o le vaega lea e o mai e foliga foi lea e matuai atamamai i mea ia o aiatatau. O le popolega lenei ina ne i faatino le auunaga a leoleo ma le Komesina i ai latou nei, ae mafai ona o ma sue le tatou Malo i tulaga e faatino ai auunaga. Ae e pei o lou lava naunautaiga, ae fai se Tulafono lea Faava-o-Malo, ina ia o mai ua o tatou sauni atu. Ia o le agaga tonu lava lenei lau Afioga i le Fofoga o le Fono e fesoasoani atu ai. Na ona pau lenei o se sao o lenei itumalo i lenei Tulafono Tau Faaofi.

**FOFOGA FETALAI:** Malo faafetai manaia le fautuaga. Ia masalo pe i ai se isi mea e toe fia saunoa i ai le Malo, ae o lea ua uma ona kava uma e le Malo ia le faamalamalama o le itu lea.

**Afioga FUIMAONO TEO SAMUELU TEO (Falealili Sasae):** Lau Afioga i le Fofoga Fetalai...

**FOFOGA FETALAI:** O ai lea e fia saunoa? Ia se i tulai mai le sui usufono mo Falealili Sasae.

**Afioga FUIMAONO TEO SAMUELU TEO:** E puupuu lava lau Afioga i le Fofoga Fetalai. E momoli lava le faafetai i le Tulafono, faafetai o lea ua i ai le Tulafono. E na o nai manatu lava foi pe le umi tele le 6 masina lea e tuu i le Komesina e iloilo ai, po o le pagota faafoi mai o se returnee pe leai, ona e 6 masina ia e tuu i ai e iloilo ai, ae o le 72 itula lea e tuu i ai e lipoti ai le pagota i totonu o le Ofisa Autu, e pei e foliga ua tele le 3 aso. O lou ia iloa, e tatau ona lipoti i le 24 itula pe 48 itula, a o le 72 itula lea, ia e tailo i ai lau Afioga i le Fofoga Fetalai, ae na o le pau lava lenei o le popolega, o le tele o le taimi o lea e

iloilo ai, e determine po o se returnee pe leai, 6 masina, e 72 itula e lipoti ai i le Ofisa Autu i le va o le taunuu mai i le malaevaalele ma le agaga faaloalo lava.

**FOFOGA FETALAI:** Malo faafetai, ia o lea ua faafofoga atu le Malo, o le a silasila i ai i fautuaga a le Komiti.

*Na faamaonia le lafo ma faitauina le Tulafono Tau Faaofi mo Tagata Solitulafono Toe Faafoi Mai 2019 i lona faitauga faalua.*

**FOFOGA FETALAI:** E tusa ai ma Tulafono Tumau o le a tuuina atu le Tulafono Tau Faaofi i le Komiti o le Vaega tau le Va Fealoai mo le iloiloina ma toe lipoti mai i le Fono Aoaofa Tulafono i se fonotaga o lumanai.

**TULAFONO TAU FAAOFI O TEUTEUGA O LE TULAFONO O LE  
FAALAPOTOPOTOGA O TAU MO FAALAVELAVE TUTUPU  
FAAFUASEI 2019 – faitauga faalua.**

**FOFOGA FETALAI:** Ma le faaloalo ou te tapa lau Afioga i le Minisita mo Pisinisi, Alamanuia ma Leipa.

**Afioga Hon LAUTAFI FIO SELAFI PURCELL:** Faafetai atu i lau Afioga. Lau Afioga i le Fofoga Fetalai ou te faatu le lafo, *Ina ia faitauina nei le Tulafono Tau Faaofi o Teuteuga o le Tulafono o le Faalapotopotoga o Tau mo Faalavelave Tutupu FaaFuasei 2019 i lona faitauga faalua ma ou te fia tautala puupuu foi i ai.*

*Faaluaina e le Minisita mo Tagata Tafafao Maimoa mai Fafu ma le Minisita mo le Soifua Maloloina.*

**FOFOGA FETALAI:** Ou te tapa ma le faaloalo lau Afioga i le Minisita mo Pisinisi, Alamanuia ma Leipa e ona le Tulafono.

**Afioga Hon LAUTAFI FIO SELAFI PURCELL:** Faafetai i lau Afioga. Lau Afioga o le Teuteuga o lenei Tulafono e teuteu ai le vaega 33 o le Tulafono Autu, o le Tulafono lea o le 1989, ma o le vaega tonu lava lea e teuteuina i le teuteuga lenei, o le vaega lea e taua ai le aofai o le tupe e oo i ai le malosi o le Matagaluega.

O le taimi nei, o le vaega lea 33 e aafia ai tagata foi ia e ave i fafo mo ni togafitiga. O le taimi nei la o lo o i ai le faaupuga, ma le malosiaga o le Matagaluega e au ai le latou tupe e mafai ona faaalu e \$150,000. O le mea ua tulai mai, e i ai le gasegase na ave i Niu Sila, e aumai le pili, ia ua ova mamao ma le \$150,000. Ia ona totogi lava lea e le Matagaluega ia le \$150,000 ona o lea e i lalo o le Tulafono, ia ae taatia ai lava le isi vaega lea ua fai ai nei finauga po o ai e

totogia. Ia ona tonu ai lea i le manatu o le Malo, ua tatau ona fai se aiaiga pe a ova atu ma le \$120,000, o ai la e ave i ai ia le faatagaga. O lea la ua sau ai le teuteuga lea, a ova atu loa ma le \$150,000 le tau o se gasegase ua avatu i fafo, ona ave loa lea i le Kapeneta e fai maia le faaiuga, ia le faatagaina po o le a le tupe i luga atu o le \$150,000. E pau lava lena o le teuteuga lea e aumai lau Afioga, e na o le faatagaga lava e oo loa i le \$150,000, ave loa i le Kapeneta e aumai ai le faatagaga e faaoga ai se isi vaegatupe i luga atu. Ia ma lou faaaloalo.

**FOFOGA FETALAI:** Malo, manino le faamalamalamaga o lenei mataupu.

**Tofa LEALAILEPULE RIMONI AIAFI:** Lau Afioga i le Fofoga Fetalai....

**FOFOGA FETALAI:** Ia, se i tulai mai le sui usufono mo Faleata Sisifo.

**Tofa LEALAILEPULE RIMONI AIAFI (Faleata Sisifo):** Faafetai mo le avanoa, e puupuu le Tulafono ae fia fai se fautuaga i le tuualalo a le Afioga i le Minisita pe a talafeagai. Ou te talitonu, e le o se tulaga fou le lauga pea ma faaalua finagalo o sui usufono i le tatou Matagaluega lenei, ona o le tele o tatou e lafo tupe foi lea e tipi, ia ae lea e fesiligia pe i ai se faamanuiaga maua mai pe a maea e le faaogaina. Peitai e ese foi le vaega na faatino ai tupe nei. E manino lava mo faalavelave faafuasei.

Ae manatua foi la, o le tatou Matagaluega lenei, tasi lenei o Matagaluega e lelei le faatinoina o galuega ma tupe maua ma e lelei foi le fesoasoani i le tele o galuega fai e fesoasoani i le atunuu, ua matua foi, tele tupe, lelei investments.

Pe le i ai lava se finagalo o lau Afioga ma le Komiti Faafaoe ua tatau ona fai ia se tatou medical insurance, se medicare foi lea e faaoga i ai ia le tupe lea i nei tagata. Ua tatau ona compulsory foi, ua matua foi ma ua tatau foi ona fai benefits mo tagata faigaluega a le Malo. A ua ese foi lenei vaitau i tagata faigaluega, ma ua vaai foi i le sau o le faamai, ma le oti i so o se tagata faigaluega, ae aoga la le vaega lea, atonu e kava ai la ma tupe ia pe a sili atu, pe a fai faapea, se vaega tusa pe faapoopo se 1 sene pe 2 sene, ae fai faapena pe faa medicare.

Sa fai e le NPF le mea lea i le taimi faatoa ou sau i le Palemene sa taumafai e fai le medisafe. E ese le matagofie o lea mea pe ana fai ma faatino, ae ou te talitonu pe a toe fai i le taimi lenei e tatau ona talia gofie, ona sa i ai foi finagalo faaalua foi lea o le tetee o tagata faipisinisi ona faapea o le a sii ai i luga ia le NPF, le contribution ia ma le Malo foi. Peitai, a tatou vaai i ai, o lenei mea o se mea taua ma se mea aoga, o le a tele ai foi tupe a lo tatou falemai e maua, ma ola maloloina ai tagata, ae e le tele se tupe e alu ai, o lea e tatau ona kava i totonu o se faaputugatupe faapea o se fuafuaga e tagai i ai le ACC ma se vaega taua lea mo le agai i luma. Ia ma le faaaloalo lava.

**FOFOGA FETALAI:** Malo faafetai, tulai mai le sui usufono o Palauli le Falefa.

**Afioga Hon FAUMUINA TIATIA FAAOLATANE LIUGA (Palauli Le Falefa):** Faafetai i lau Afioga i le Fofoga Fetalai mo le avanoa. Ou te faafetai tele

i le Afioga i le Minisita mo lenei Tulafono e laititi, ae o le taua ia. O lea sa saunoa le Afioga i le Minisita i tau e sili atu, i le \$150,000 sao lelei. Ou te manatua e i ai se taimi na aumai ai foi i le Kapeneta se tasi o manaoga o se aiga, e ova ma le \$500,000 le tau sa taoto ai le gasegase i Niu Sila, ae faatoa logo mai le Malo mo se fesoasoani mulimuli ane ai. O le taua ia o le mea lea. O le fesili lea e fia fesili ai, pe na o tagata faigaluega, lea e fai saofaga e agavaa i tau nei? O le uiga o se manatu, o nai tagata e leai ni totogi faatulagaina, ae fai ia ni a latou saofaga foi ia voluntary contribution, e entitle i ai?

O lona tolu o au fesili, a faapea e alu se tagata o lea e fai ana saofaga i i Niu Sila, ae lavea i se faalavelave faafuasei e agavaa le tagata lea i se tau o faalavelave faafuasei? Ae lavea i fafo? Ausetalia po o fea lava, aua o lea e alu, o le tagata faisaoaga. O lona uiga la, ia e lelei la i le vaega foi lea e tai 2 citizenship, aua e mafai ai ona alu ai i lalo le tau pe a faapea o se tagata Niu Sila, Amerika ia po o Ausetalia foi. O le a fesiligia ai lau Afioga, ona e i ai lava mea e ono tutupu i le agai atu i le lumanai. Ua faaoga le malosi o le Kapeneta e fai ai ni tau i luga atu, ae e le o malamalama i i, po o tau e aofia ai ma faalavelave e aafia ai le aufaisaofaga i fafo atu o Samoa ma lou faaaloalo, faafetai.

**FOFOGA FETALAI:** Ua maua atu le finagalo o le sui usufono. Tulai mai se tasi o sui usufono mo Safata.

**Tofa NONU LOSE NIUMATA (Safata i Sasae):** Lau Afioga i le Fofoga Fetalai ma le mamalu o le Palemene, ou te lagolagoina le Tulafono Tau Faaofi pe afai e tuu i ai le upu lea limbs po o le cosmetic foi lea e tuu i ai foi lele. Lau Afioga i le Minisita, o le Fuaiupu lea 33, e aofia ai le treating overseas ma le transport ma meaa ma isi, e le o i ai se tupe mo limps ma cosmetic. O le limps ma cosmetic, e tele tupe e alu ai, ma e mafai e le Minisita ona fai, e tele tupe a le ACC.

Lau Afioga i le Minisita, a faapea o le gasegase ua ivi le mata, e le mafai e le Fuaiupu 33 ona replace le mata, se i vagana ua tuu ai se mata foi lea i le Fuaiupu lea 33 pe a faapea o teuteuga lea e tuu ai le... Faafetai i lau Afioga i le Fofoga Fetalai.

**FOFOGA FETALAI:** Malo faafetai i le sui usufono mo Safata Sasae, masalo ua maea ai sui usufono. Tulai mai le Minisita. Ia, tulai mai le sui usufono mo Aiga i le Tai, faapuupuu mai lau saunoaga.

**Susuga MULIPOLA LEIATAUA LAKI (Aiga i le Tai):** Faafetai i lau Afioga mo le avanoa. Ou te manatu o le tasi lenei o Tulafono anoa ma taua tele o le tatou atunuu i taimi e moomia ai aua faalavelave faafuasei e ono tutupu mai, faalavelave le maalofia tatou te le mailoa. E i ai foi la le naunautaiga o le sui usufono mo Aiga i le Tai e lagolagoina malosi le Tulafono.

Pau o lenei na o nai vaega laiti lau Afioga i le Fofoga Fetalai e fia tuualalo atu ai i le Tulafono ona o lea e matauina le teuteuina o le Fuaiupu 33 pei e foliga ua tuutalaloa le \$150,000. O le uiga o le faamatalaga lau Afioga, a oo i le \$1miliona lea faapei ona taua e se tasi o tootoouli o le Maota le \$500,000, e le tatau ona tuu i

ai se limitation o le... e pei e foliga o lea ua tuutalaloa, a ova tele atu latalata i se miliona, e tatala pea le avanoa lea?

Silasila foi lau Afioga, o nai atugaluga laiti o le tootoo i le Tulafono lenei, ona o lea e matau ma le totoa e le o i ai se faamanuiaga o maua e latou, ia, talanoa atu ia i si ou itumalo e toatele tagatanuu e fagota i le paopao. Aua peiseai o le Tulafono lea pei e pito tasi na o latou e faaoga ai le penisini, tulou le Maota. A e afaina i le vaafagota po o le penisini e faaoga ai le penisini ona maua lea o le tau i o faalavelave faafuasei. Peitai a e afaina i le paopao, tulou, ona le maua lea o sou tau. E pei o nai vaega ia e tau piama ai i le Tulafono, pe le mafai ona teuteu atu ai ma le vaega lea. Aua a tatala nei le \$150,000 lea se i oo i le miliona pe a talosaga mai tagata faigaluega, a o lea lava e i ai nai sao o nai tagata fagota paopao e ui lava ina itiiti se latou tamaoiga o lo o fesoasoani i le tamaoiga o le atunuu, peitai o la e lava e fai lo latou sao. Ae leai lava se latou mea o maua i le faamanuiaga lea. O le ala lea o le tulai lau Afioga, e valuvalusia ai aa o le laau i lau Afioga i le Minisita i le Tulafono pe le mafai ona toe silasila i vaega ia mo se faamanuiaga o nai tagata lautele o si o tatou atunuu. Faafetai.

**FOFOGA FETALAI:** Faafetai. Ou te tapa le Minisita pe i ai se isi faapoopoga, a leai o le a tuuina atu le fesili.

**Afioga Hon LAUTAFI FIO SELAFI PURCELL:** Faafetai i lau Afioga, faafetai foi mo faafesili na tuuina mai ma manatu e tapue ai le tatou teuteuga. O teuteuga lava ia lau Afioga e faapitoa lava i e ua gasegase ona o se faalavelave faafuasei, ae aumai le pili i le taumafaiga e toe faaleleia le tagata lea, ia ua ova atu i le \$150,000 le tau o le pili a le falemai, ia ona ave loa lea i le Kapeneta e aumai se faatagaga e totogi ai. Pe fia lava la, i lalo o le Tulafono, e le o faataga foi a oo loa i le \$1miliona ona sue loa lea o se isi e ave i ai. E leai, e ova atu loa i le \$150,000 tuu loa i le Kapeneta, o lo o i ai foi le tofa a le Kapeneta e fuafua ai mea faapea. Talu mai le faatuina o lenei Tulafono lau Afioga mai le 1989, ua 29 nei tausaga, na o le toatasi lava le tagata ua tulai mai i le tulaga lea, e le o ni mea e tupu soo.

E leai lava se isi iinei i Samoa ia ua latalata i se \$150,000 se togafitiga. Taatia ia mea o entitlements a tagata i lalo o le Tulafono, a o togafitiga lea tatou te talanoa i ai, faafetai i manatu na tuuina mai.

E i ai vaega o le Tulafono e lavevea ai tagata o lo o aumau i fafo pe afai o lea e fai saofaga. O le manatu o le sui usufono mo Aiga i le Tai, ia ona o taimi foi o tatou fagogota i nei mea o paopao, ia ou te le iloa po o le a le faalavelave faafuasei e lavevea ai se isi i se paopao, e pei o mea nei o masini o mechanise, foi lea, pei o le taavale lea e lavevea ai ma vaafagota ona e saosaoa, ma e ogaoga manuaga o tagata e lavevea ai. E pei o le mea lena e ala ai ona fai na o tagata faapena, tusa pe le faisaofaga, a lavevea i le taavale faapena le alia fagota, ia e i ai i lalo o le Tulafono, ae faafetai mo faafesili. Afai e i ai ni case o nisi ua soa e se paopao, ia, e mafai lava ona tilotilo i ai le Matagaluega, faapena foi le sui usufono mo Faleata Sisifo. Taatia mai lou manatu. O le Matagaluega lava ia na fai aua faalavelave faafuasei. Ae a fai loa se tatou cover insurance, ia o manatu lelei uma lava, ae fuafua foi, aua o le extra foi le tau e toe faapoopo foi la le levy pe afai o le a oo i le tulaga lea. A o tulaga uma o manatu lelei uma lava pei ona fai atu, e leai lava se

manatu e talituaalimaina e le Matagaluega ma le Minisita lenei. Ae o le toe tali atu lea lau Afioga ia manuia lava le tatou Fonotaga o totoe.

**FOFOGA FETALAI:** Malo faafetai. Ia o lena ua faafofoga mai Aiga i le Tai e le taulia ai le soa e le avaava.

*Na faamaonia le lafo ma faitauina le Tulafono Tau Faaofi o Teuteuga o le Tulafono o le Faalapotopotoga o Faalavelave Tutupu Faafuasei 2019 i lona faitauga faahua.*

**FOFOGA FETALAI:** E tusa ai ma Tulafono Tumau o le a tuuina atu le Tulafono Tau Faaofi i le Komiti o Tupe Maua ma Tupe Totogi mo le iloilo ina ma toe lipoti mai i le Fono Aoa o se fonotaga o lumanai.

### **TULAFONO TAU FAAOFI O TEUTEUGA O LE TULAFONO O LE PUIPUIGA MAI AAFIAGA O LE TAPAA 2018 - iloiloaga auiliili**

**FOFOGA FETALAI:** E tusa ai ma Tulafono Tumau, e ao ona faamaonia muamua e le Fono Aoa le Lipoti a le Komiti i le Tulafono Tau Faaofi ona avanoa ai lea mo le iloiloaga auiliili.

Tulai mai le Taitaifono o le Komiti o le Vaega tau le Va Fealoai.

**Afioga Hon GATOLOAIFAANA AMATAGA ALESANA GIDLOW:** Lau Afioga i le Fofoga Fetalai ou te tulai atu e faatu le lafo, *Ina ia faamaonia e lenei Fono Aoa le Lipoti a le Komiti o lo o fautuaina ai ina ia faagasolo le Tulafono Tau Faaofi o Teuteuga o le Tulafono o le Puipuiga mai Aafiaga o le Tapaa 2018 faatasi ma teuteuga ma Faasaoga.*

*Na faamaonia le lafo.*

**FOFOGA FETALAI:** E faasilasila atu ua faamaonia nei e le Fono Aoa le Lipoti a le Komiti i le Tulafono Tau Faaofi, ma o le a sagai atu loa mo le iloiloaga auiliili.

E tusa ai ma le Tulafono Tumau e amata le iloiloaga auiliili i le Fuaiupu 2.

**FUAIUPU 2: Ua teuteuina le fuaiupu 2.**

*Faamaonia.*

**FUAIUPU 3: Ua faaofiina le Vaega 2A fou.**

**FOFOGA FETALAI:** O lo o i ai le Teuteuga a le Komiti i le Fuaiupu 3 e pei ona faaalua i le Pepa Faapoo o Galuega.

Tulai mai le Afioga i le Taitaifono o le Komiti.

**Afioga Hon GATOLOAIFAANA AMATAGA ALESANA GIDLOW:** Lau Afioga i le Fofoga Fetalai ou te faatu le Teuteuga i le fuaiupu 3 e faapea:

**"TEUTEUGA:**

Ia suia le Fuaiupu 7A(2) e faapea:

"(2)O sui auai nei:

- (a)O se sui o le Matagaluega o le Soifua Maloloina o ia lea e avea ma Taitaifono ma Failautusi; ma
- (b)Se sui o le Matagaluega o Tupe;
- (c)Se sui o le Matagaluega o Aoga, Taaloga ma Aganuu; ma
- (d)Se sui o le Matagaluega o Tina ma Tamaitai, Atinae o Nuu ma Agafesootai; ma
- (e)Se sui o le Galuega Tau Leoleo a Samoa; ma
- (f)Se sui o le Vaega o Tiute i le Matagaluega mo Tupe Maua; ma
- (g)Se sui o le Faalapotopotoga o Taaloga a Samoa ma le Komiti o le Olimipeka a le Atunuu; ma
- (h)Se sui o le Sosaiete o le Kanesa i Samoa; ma
- (i)Se sui o le Fono a Tupulaga Talavou a Samoa."

*Faamaonia le Teuteuga.*

*Faamaonia le Fuaiupu 3 e pei ona Teuteuina.*

**FUAIUPU 4: Ua teuteuina le fuaiupu 18.**

*Faamaonia.*

**FUAIUPU 5: Ua teuteuina le fuaiupu 21.**

*Faamaonia.*

**FUAIUPU 6: Ua faaofiina le fuaiupu 23A fou.**

**FOFOGA FETALAI:** O lo o i ai le Teuteuga a le Komiti i le fuaiupu 6. Tulai mai le Taitaifono o le Komiti.

**Afioga Hon GATOLOAIFAANA AMATAGA ALESANA GIDLOW:** Lau Afioga i le Fofoga Fetalai ou te faatu le Teuteuga i le Fuaiupu 6 e faapea:

**"TEUTEUGA:**

Mo le Fuaiupu 23A ma le 23A(1) ua faaofiina, ia suia le numeru 21 i le numeru 15 ma faitauina ai le 23A e faapea:-

**23A-E faasaina le faatau atu o oloa tau tapaa e tagata e i lalo ifo o le 15 tausaga le matutua:**

E le tatau ona faatauina atu so o se oloa tau tapaa e se tagata e i lalo ifo o le 15 tausaga le matua."

*Faamaonia le Teuteuga.*

*Faamaonia le Fuaiupu 6 e pei ona Teuteuina.*

**FUAIUPU 7: Ua teuteuina le fuaiupu 24.**

*Faamaonia.*

**FUAIUPU 8: Ua faaofiina le fuaiupu 29A fou.**

*Faamaonia.*

**FUAIUPU 9: Ua faaofiina le Vaega 5A fou.**

**FOFOGA FETALAI:** O lo o i ai le Teuteuga a le Komiti i le Fuaiupu 9. Tulai mai le Taitaifono o le Komiti.

**Afioga Hon GATOLOAIFAANA AMATAGA ALESANA GIDLOW:** Lau Afioga i le Fofoga Fetalai ou te faatu le Teuteuga i le fuaiupu 9 e faapea:-

**"TEUTEUGA:**

1. Mo le fuaiupu 31A(2) o faaofiina ia suia le fuainumera "100" i le fuainumera "200".
2. Mo le fuaiupu 31B, ia faaofi le parakalafa (d) & parakalafa (e) i le tuanai ai o le parakalafa (c) e faapea:  
"(d) o le laisene mo faletalimalo; ma  
(e) o le laisene mo falekalapu".
3. I le fuaiupu 31F(4)(a), ia suia le fuainumera 20 iunite i le fuainumera 100 iunite.
4. Mo le Vaega 5A, i le tuanai ai o le Fuaiupu 31E, ia faaofi ma toe faanumera fuaiupu nei:

**"31F. Laisene o Tagata e ona Faletalimalo:** O se laisene tau tapaa o se tagata e ona le faletalimalo, e faatagaina ai le faatauina atu o oloa tau tapaa, i ni aiaiga o le a faataatia atu i le laisene".

**"31G. Laisene o Tagata e ona Falekalapu:** O se laisene tau tapaa o se tagata e ona le falekalapu, e faatagaina ai le faatauina atu o oloa tau tapaa, i ni aiaiga o le a faataatia atu i le laisene".

5. Mo le fuaiupu 31J(1) o lo o i ai, ia suia i le 31L(1)(a)&(b) fou e faapea:

**31L Umi o le aoga ma le faafouga o laisene- (1)**

(a) O se laisene ua tuuina atu i se tagata e gaosia ai oloa tau tapaa o le a faapea ona aloaia le aoga mo se vaitaimi e tolu (3) tausaga mai le aso e tuuina atu ai.

(b) O se laisene ua tuuina atu i se tagata e:

(a) faaulufaleina mai; pe

(b) tufatufaina atu; po o

(c) faletalimalo; ma

(d) falekalapu;

o le a faapea ona aloaia le aoga mo se vaitaimi e tasi (1) le tausaga mai le aso na tuuina atu ai.

**FOFOGA FETALAI:** Se i tuu atu lava le avanoa i lou uso o lo o tulai mai le sui usufono mo Faleata Sisifo.

**Tofa LEALAILAPULE RIMONI AIAFI:** Lau Afioga i le Fofoga Fetalai, ona o le tele o teuteuga lea e sau faasoloatoa, a o lea ou te fia fesili i le Vaega lea 31G. O le mea muamua lau Afioga, o le faatauina o tapaa, po o talia e le Soifua Maloloina le teuteuga lea na aumai e le Komiti e toe tuu ai i lalo tausaga e faatau atu ai ma faatau mai le tapaa aua e 21 tausaga lea na aumai ai i le 15 tausaga. O lona uiga, ua matua faamaualalo lava e le Komiti le age o le tagata, aua na sau i le Tulafono e 21, a o lea la ua manao le Komiti ia toe tuu mai lalo i le 15 tausaga. O lau fesili la lena; po o talia e le Minisita mo le Soifua Maloloina ma le Matagaluega le fetuunaiga lea aua o lea ua recommend mai e le Komiti e toe tuu mai lalo i le 15. O lona uiga ua faataga tagata 16 agai i luga ona faatau. Ma lou faaaloalo lava.

Ma le vaega lea o laisene, ona o le mea lea o lea e feteenai ai nai tagata faipisinisi, o le alu o le faipisinisi fai lana business license ae alu atu la i o i le falemai ae tetee mai e latou e le mafai ona release mai le laisene o le fale tapaa ona feteenai ai lea faapea. Po o le mea la e muamua alu e aumai le laisene e fai ai lau tapaa ona faatoa fai ai lea o lau business license. Ma lou faaaloalo lava.

**FOFOGA FETALAI:** Tulai mai le Taitaifono, fesoasoani mai ma le Minisita.

**Afioga Hon GATOLOAIFAANA AMATAGA ALESANA GIDLOW:** Lau Afioga i le Fofoga Fetalai i le tulaga pei ona fesiligia ai le suiga lea e faatagaina ai le 15 tausaga o le na te faatauina atu le tapaa, ua uma lava ona uia e le Komiti tulaga e tatau ai e tusa ai ma le faafesootai atu i le Afioga i le Minisita.

O le tulaga lea e saunoa ai i le faatauina atu o le tapaa, o le laisene o le faatauina o le tapaa, pe muamua le laisene o le faatauina o le tapaa pe muamua le laisene o le pisinisi? E le o le faatauina o le tapaa, a o le fausia o le tapaa, o le sao lea?

**Tofa LEALALEPULE RIMONI AIAFI:** Lau Afioga, o le Tulafono lea e tuuina mai, e tatau ona aumai sau laisene e fausia ai le tapaa mai le Ofisa o le Soifua Maloloina. O le uiga la o lau faamatalaga, ona o le tele o tagata e aumai lana business license muamua. A aumai la lau business license e fai ai lau tapaa e le talia e le Ofisa o le Soifua Maloloina e le mafai ona gaosia e oe le tapaa ona i ai lea o feteenaiga lea e tulai mai. Po o le mea la pe mafai ona saili muamua pe mafai ona aumai lou laisene e gaosi ai le tapaa ona faatoa fai ai lea. A e alu atu foi la e aumai lou business license, e muamua foi tuli oe e te alu e aumai lou laisene i gauta. O le mea lena o lea e fesili atu ai faamolemole.

**Afioga Hon GATOLOAIFAANA AMATAGA ALESANA GIDLOW:** Lau Afioga i le Fofoga Fetalai, ua nofouta foi le Matagaluega o lo o latou issue ina business license e tusa ai ma aiaiga a isi Matagaluega, ae latou te le faatagaina le laisene e tuuina atu mo lea galuega ma lea galuega.

**FOFOGA FETALAI:** Malo faafetai. Se i tulai mai le Minisita mo le Soifua Maloloina.

**Afioga Hon TUITAMA TALALELEI TUITAMA:** Lau Afioga i le Fofoga Fetalai, na ona faamalamalama lava o le vaega lea sa fesiligia ai tausaga. Ia, e le i faigofie le tulaga lea ona ua soalaupule le Komiti ma oo atu foi le Taitaifono ma matou feiloai i le popolega ona o le tulaga lea o le 21 tausaga e faatau atua le tapaa, ae peitai o le Tulafono o i ai tagata faigaluega leipa, e faataga ai le 15 tausaga ona faatauoloa. E pei la o le agaga lea sa fetuunai ai, e le o se mea faigofie se faatauoloa o le 15 tausaga ona alu e saili mai se isi e faatauina le tapaa a o ia lea e faatauoloa i le taimi lea. Peitai la i le faatau maiga o le tapaa mai le faleoloa, na o le tagata 21 tausaga e mafai ona ia faatauina mai le tapaa. E pei o le fetuunaiga lea ina ia faafealofani ma isi foi Tulafono o lo o faatagaina ai e faatauoloa i le 15 tausaga.

Ia o le faamalamalamaga lea lau Afioga. Ma le faaaloalo lava.

**FOFOGA FETALAI:** Malo faafetai, ua manino le faafofoga mai a le atunuu. O le faatauoloa e 15 tausaga a o le tagata e alu e faatau mai le tapaa e tatau ona 21.

*Faamaonia le Fuaiupu 9.*

*Faamaonia le Fuaiupu e pei ona Teuteuina.*

**FUAIUPU 10: Ua teuteuina le fuaiupu 35.**

*Faamaonia.*

**FUAIUPU 11: Ua faaofiina le fuaiupu 35A fou.**

*Faamaonia.*

**FUAIUPU 1 MA LE IGOA:**

**FUAIUPU 1: Igoa puupuu ma le amataga.**

**IGOA: Teuteuga o le Tulafono o Puipuiga mai Aafiaga o le Tapaa 2018.**

**FOFOGA FETALAI:** O lo o i ai le Faasaoga a le Komiti i le Fuaiupu 1 ma le Igoa. Tulai mai lau Afioga i le Taitaifono o le Komiti.

**Afioga Hon GATOLOAIFAANA AMATAGA ALESANA GIDLOW:** Lau Afioga i le Fofoga Fetalai ou te faatu le Faasaoga i le Fuaiupu 1 ma le Igoa e faapea:

Ia aveese le fuainumera 2018 ma suia i le fuainumera 2019 ma faitauina ai le Igoa o le Tulafono e faapea:

**"Teuteuga o le Tulafono o Puipuiga mai Aafiaga o le Tapaa 2019."**

*Faamaonia le Faasaoga.*

*Faamaonia le Fuaiupu 1 ma le Igoa e pei ona Faasaoina.*

*Na faagasolo le Tulafono Tau Faaofi o Teuteuga o le Tulafono o Puipuiga Mai Aafiaga o le Tapaa 2019 faatasi ma Teuteuga ma Faasaoga.*

**TULAFONO TAU FAAOFI O TEUTEUGA O LE TULAFONO O AOGA  
2018- iloiloga auiliili**

**FOFOGA FETALAI:** E tusa ai ma Tulafono Tumau e ao ona faamaonia muamua e le Fono Aoao le Lipoti a le Komiti i le Tulafono Tau Faaofi ona avanoa ai lea mo le iloiloga auiliili.

Tulai mai lau Afioga i le Taitaifono o le Komiti o le Vaega tau le Va Fealoai.

**Afioga Hon GATOLOAIFAANA AMATAGA ALESANA GIDLOW:** Lau Afioga i le Fofoga Fetalai ou te tulai atu e faatu le lafo, *Ina ia faamaonia e lenei Fono Aoao le Lipoti a le Komiti o lo o fautuaina ai, Ina ia faagasolo le Tulafono Tau Faaofi o Teuteuga o le Tulafono o Aoga 2018 faatasi ma teuteuga ma faasaoga.*

*Na faamaonia le lafo.*

**FOFOGA FETALAI:** E faasilasila atu ua faamaonia nei e le Fono Aoao le Lipoti a le Komiti i le Tulafono Tau Faaofi, ma o le a sagai atu loa mo le iloiloga auiliili.

E tusa ai ma le Tulafono Tumau e amata le iloiloga auiliili i le Fuaiupu 2.

**FUAIUPU 2: Ua teuteuina le fuaiupu 2.**

*Faamaonia.*

**FUAIUPU 3: Ua teuteuina le fuaiupu 7.**

**FOFOGA FETALAI:** O lo o i ai le Teuteuga a le Komiti i le fuaiupu 3. Tulai mai le Taitaifono o le Komiti.

**Afioga Hon GATOLOAIFAANA AMATAGA ALESANA GIDLOW:** Lau Afioga i le Fofoga Fetalai ou te faatu le Teuteuga i le Fuaiupu 3 e faapea i le Lomiga Samoa:

I lalo o le fuaiupu 7(2), ia aveese le faaupuga "le atoatoa o le malosi o le tino ma le mafaufau" ma suia i le faaupuga "Aafiaga tumau o le tino ma le mafaufau".

*Faamaonia le Teuteuga.*

*Faamaonia le Fuaiupu 3 e pei ona Teuteuina.*

**FUAIUPU 4: Ua teuteuina le fuaiupu 11.**

*Faamaonia.*

**FUAIUPU 5: Ua teuteuina le fuaiupu 23.**

*Faamaonia.*

**FUAIUPU 6: Ua suia le fuaiupu 24.**

*Faamaonia.*

**FUAIUPU 7: Teuteuga lautele.**

*Faamaonia.*

**FUAIUPU 8: Teuteuga faatupulaia.**

*Faamaonia.*

**FUAIUPU 1 MA LE IGOA:**

**FUAIUPU 1: Igoa puupuu ma le amataga.**

**IGOA: Teuteuga o le Tulafono o Aoga 2018.**

**FOFOGA FETALAI:** O lo o i ai le Faasaoga a le Komiti i le Fuaiupu 1 ma le Igoa. Tulai mai le Taitaifono o le Komiti.

**Afioga Hon GATOLOAIFAANA AMATAGA ALESANA GIDLOW:** Lau Afioga i le Fofoga Fetalai ou te faatu le Faasaoga i le Fuaiupu 1 ma le Igoa e faapea:

Ia aveese le fuainumera 2018 ma suia i le fuainumera 2019 ma faitauina ai le Igoa o le Tulafono e faapea:

**"Teuteuga o le Tulafono o Aoga 2019."**

*Faamaonia le Faasaoga.*

*Faamaonia le Fuaiupu 1 ma le Igoa e pei ona Faasaoina.*

*Na faagasolo le Tulafono Tau Faaofi o Teuteuga o le Tulafono o Aoga 2019 faatasi ma Teuteuga ma Faasaoga.*

**TULAFONO TAU FAAOFI O TEUTEUGA O LE FAAVAE (NU.3) 2017  
- iloiloga auiliili**

**FOFOGA FETALAI:** E tusa ai ma Tulafono Tumau e ao ona faamaonia e le Fono Aoao le lipoti a le Komiti i le Tulafono Tau Faaofi ona avanoa ai lea mo le iloiloga auiliili.

Tulai mai le Afioga i le Taitaifono o le Komiti o Tulafono Tumau, Mataupu tau Faiga Palota, Talosaga ma Tofiga Faale-Faavae.

**Tofa NAFOITOA TALAIMANU KETI:** E faatalofa atu i lau Afioga i le Fofoga Fetalai. E momoli atu le faamalo i le faafoeina o le Fonotaga i leni itula afiafi faapea foi lena itu o le Malo.

Lau Afioga i le Fofoga Fetalai ou te faatu le lafo, *Ina ia faamaonia e le Fono Aoa le Lipoti a le Komiti o lo o fautuaina ai, Ina ia faagasolo le Tulafono Tau Faaofi o Teuteuga o le Faavae (Nu.3) 2017 faatasi ma Faasaoga.*

*Na faamaonia le lafo.*

**FOFOGA FETALAI:** O lea ua faamaonia e le Fono Aoa le Lipoti a le Komiti i le Tulafono Tau Faaofi, o lea o le a sagai atu loa mo le iloiloga auiliili.

E tusa ai ma Tulafono Tumau e amata le iloiloga auiliili i le Fuaiupu 2.

**FUAIUPU 2: Ua teuteuina le Mataupu 19.**

*Faamaonia.*

**FUAIUPU 1 MA LE IGOA:**

**FUAIUPU 1: Igoa puupuu ma le amataga.**

**IGOA: Teuteuga o le Faavae (Nu.3) 2017.**

**FOFOGA FETALAI:** O lo o i ai le Faasaoga a le Komiti i le Fuaiupu 1 ma le Igoa. Tulai mai le Taitaifono o le Komiti.

**Tofa NAFOITOA TALAIMANU KETI:** Lau Afioga i le Fofoga Fetalai ou te faatu le Faasaoga i le Fuaiupu 1 ma le Igoa e faapea:

Ia aveese le fuainumera (3) ma le fuainumera 2017 ma suia i le fuainumera 2019 ma faitauina ai le Igoa o le Tulafono e faapea:

**“TEUTEUGA O LE FA AVAE (Nu.3) 2019.”**

*Faamaonia le Faasaoga.*

*Faamaonia le Fuaiupu 1 ma le Igoa e pei ona Faasaoina.*

*Na faagasolo le Tulafono Tau Faaofi o Teuteuga o le Faavae (Nu.3) 2019 faatasi ma le Faasaoga.*

**TULAFONO TAU FAAOFI O FAIGA PALOTA 2018 – iloiloga auiliili**

**FOFOGA FETALAI:** E tusa ai ma Tulafono Tumau e ao ona faamaonia muamua e le Fono Aoa le lipoti a le Komiti i le Tulafono Tau Faaofi ona avanoa ai lea o le iloiloga auiliili.

Tulai mai le sui Taitaifono o le Komiti o Tulafono Tumau, Mataupu tau Faiga Palota, Talosaga ma Tofiga faale-Faavae.

**Tofa NAFOITOA TALAIMANU KETI:** Lau Afioga i le Fofoga Fetalai, ou te faatu le lafo, *Ina ia faamaonia e leni Fono Aoa le Lipoti a le Komiti o lo o fautuaina ai – Ina ia faagasolo le Tulafono Tau Faaofi o Faiga Palota 2018 faatasi ma Teuteuga ma Faasaoga.*

*Faaluaina e le sui usufono mo Falealili i Sasae ma le sui usufono mo le Vaimauga i Sasae*

*Na faamaonia le lafo.*

**FOFOGA FETALAI:** O lea ua faamaonia e le Fono aoa le lipoti a le Komiti i le Tulafono Tau Faaofi, o lea o le a sagai atu loa mo le iloiloga auiliili.

E tusa ai ma Tulafono Tumau 102, e amata le iloiloga auiliili i le Fuaiupu 2.

**FUAIUPU 2: Faamatalaina o upu**

*Faamaonia.*

**FUAIUPU 3: Ia tausia e le Komesina le tusi resitala o vaega faaupufai**

*Faamaonia.*

**FUAIUPU 4: Talosaga mo le faamauina**

*Faamaonia.*

**FUAIUPU 5: Faamauina**

*Faamaonia.*

**FUAIUPU 6: Faaleaogaina o le faamauina**

*Faamaonia.*

**FUAIUPU 7: Suesueina o le tusi resitala**

*Faamaonia.*

**FUAIUPU 8: Agavaa e tauva ai se sui tauva i faiga palota**

**FOFOGA FETALAI :** O lo o i ai teuteuga a le komiti i le fuaiupu 8(2)(d)(ii) e pei ona faaalua i le pepa faaopoopo o Galuega

**Tofa NAFOITOA TALAIMANU KETI:** Lau Afioga i le Fofoga Fetalai ou te faatu le Teuteuga i le fuaiupu 8(2)(d)(ii) e faapea:

Ia suia le numera 01380 i le numera 01390

**FOFOGA FETALAI:** Malie le sui usufono ona ua tautuauega lou tulai mai, ae tuu atu pea le avanoa, e ui lava ona o lea uaí .

**Afioga Faumuina Tiatia Faaolatane Liuga:** Sa ou tulai atu lava ae e te le i silasila mai. E leai na o tulaga i agavaa, o lea e tuu ai e toe luā e le sui tauva ia agavaa i le Faamasinoga. E pau lava lena o le vaega lea, ona alu lea o au e totogi le tupe, ua ou faia le galuega e tatau ona fai e le Komesina. Ae tatau ona faamaea lelei galuega, i le tulaga o le tolu tausaga, o le monotaga, e tolu tausaga e nofo ai i Samoa, ma isi agavaa e talafeagai ai. E tai pei o monotaga ma isi vaega, ao lea e alu le sui tauva e ave i le Faamasinoga, ona o le manaoga o le Tulafono. Ma lou faaloalo lava lau Afioga.

**FOFOGA FETALAI:** Malo faafetai, atonu o lea ua faafofoga mai le Malo e tusa ai o le fautuaga. O lena foi fautuaga e le o se fautuaga fou nei, o le fautuaga ua lea ona tulai mai.

Sa o tatou asa mai lava i le ogasami e pei ona i ai, ae ui i lea, e aoga le fautuaga e faatupu manatu.

Ae ou te faamalulu atu ai i le sui usufono mo Palauli le Falefa, ona ua televave foi le faagasologa o le tatou galuega. Faamagalo le nofoa.

*Faamaonia le Teuteuga*

*Faamaonia le Fuaiupu 8 e pei ona teuteuina*

**FUAIUPU 9: Finauina o le avea ai ma sui tauva**

*Faamaonia.*

**FUAIUPU 10: O mea sese i lisi o faasologa o igoa o le a le avea ma mafuaaga o le tauleagavaaina.**

*Faamaonia.*

**FUAIUPU 11: Manaoga mo tagata faigaluega a le Malo ua faamoemoe e avea ma sui tauva.**

*Faamaonia.*

**FUAIUPU 12:**           **Manaoga mo isi tagata Ofisa o le Malo ua faamoemoe e avea ma sui tauava.**

*Faamaonia.*

**FUAIUPU 13:**           **E faamalosia le faamauina o igoa o tagata palota**

*Faamaonia.*

**FUAIUPU 14:**           **Agavaa e mafai ai ona famauina e avea ma tagata palota**

*Faamaonia.*

**FUAIUPU 15:**           **Ia faamauina le igoa i totonu o le itumalo e tasi o nofomau ai.**

*Faamaonia.*

**FUAIUPU 16:**           **Tuusaunoaga i le Tulafono faafoe o le faamauina i le nofoaga o nofomau ai.**

*Faamaonia.*

**FUAIUPU 17:**           **Tauleagavaaina mai le faamauina.**

*Faamaonia.*

**FUAIUPU 18:**           **Tulaga agavaa e faaliliuina atu ai.**

*Faamaonia.*

**FUAIUPU 19:**           **E iloiloina e le Komesina Talosaga mo le faamauina.**

*Faamaonia.*

**FUAIUPU 20:** O le sainia ma le molimauina o talosaga mo le faamauina e ave'a ai ma tagata palota.

*Faamaonia.*

**FUAIUPU 21:** Fuafuaina o le nofoaga e nofomau ai.

*Faamaonia.*

**FUAIUPU 22:** Faamatalaina ma le faaaogaina o lisi o le faasologa o igoa.

*Faamaonia.*

**FUAIUPU 23:** Tuufaatasiga ma le tausiga o lisi o faasologa o igoa mo Faiga palota.

*Faamaonia.*

**FUAIUPU 24:** Aveesea o igoa mai lisi o le faasologa o igoa.

*Faamaonia.*

**FUAIUPU 25:** Lisi faaeletoroni o le faasologa o igoa

*Faamaonia.*

**FUAIUPU 26:** Lisi faaopoopo o faasologa o igoa

*Faamaonia.*

**FUAIUPU 27:** Lisi tuufaatasi o faasologa o igoa

*Faamaonia.*

**FUAIUPU 28: Tetee a le tagata palota**

*Faamaonia.*

**FUAIUPU 29: Tetee a le Komesina**

*Faamaonia.*

**FUAIUPU 30: Fofogaina o mataupu tetee e faasino i lisi o faasologa o igoa.**

*Faamaonia.*

**FUAIUPU 31: Taimi faatapulaaina mo le fofogaina o tetee**

*Faamaonia.*

**FUAIUPU 32: E mafai ona faaoga lisi o ata pue o le faasologa o igoa mo iloiloga o lisi o faasologa o igoa.**

*Faamaonia.*

**FUAIUPU 33: Tapunia o lisi o faasologa o igoa**

*Faamaonia.*

**FUAIUPU 34: O le Komesina e lolomiina lisi autu o faasologa o igoa**

*Faamaonia.*

- FUAIUPU 35:**                   **Manaoga mo le lolomiina o lisi o faasologa o igoa**  
*Faamaonia.*
- FUAIUPU 36:**                   **Suesuega o lisi o faasologa o igoa**  
*Faamaonia.*
- FUAIUPU 37:**                   **Faaagaina o ata o lisi o faasologa o igoa e tuuina atu  
e le Komesina**  
*Faamaonia.*
- FUAIUPU 38:**                   **Ia faavaeina ma tausia e le Komesina se lisi moenoa o  
le faasologa o igoa.**  
*Faamaonia.*
- FUAIUPU 39:**                   **Aveesea o se igoa mai le lisi moenoa o le faasologa o  
igoa**  
*Faamaonia.*
- FUAIUPU 40:**                   **Lolomiina ma le teuina o lisi moenoa o faasologa o  
igoa**  
*Faamaonia.*
- FUAIUPU 41:**                   **Suesuega a tagata lautele**  
*Faamaonia.*
- FUAIUPU 42:**                   **Faiga faamaonia mo faatosina**  
*Faamaonia.*
- FUAIUPU 43:**                   **Aso e faamuta ai faiga faatosina**  
*Faamaonia.*
- FUAIUPU 44:**                   **Soligatulafono i faiga faatosina**  
*Faamaonia.*

**FUAIUPU 45:** **Faasalalauga o faiga palota e tuuina atu e Le Ao O le Malo**

*Faamaonia.*

**FUAIUPU 46:** **Faasilasilaga faalauaitete o le faasalalauga o faiga palota**

*Faamaonia.*

**FUAIUPU 47:** **Filifilia o sui tauva**

*Faamaonia.*

**FUAIUPU 48:** **Taliaina o filifiliga**

*Faamaonia.*

**FUAIUPU 49:** **Toe faaui i tua o filifiliga**

*Faamaonia.*

**FUAIUPU 50:** **Lomiga faasalalau o filifiliga**

*Faamaonia.*

**FUAIUPU 51:** **Maliu a o le i tapunia filifiliga**

*Faamaonia.*

**FUAIUPU 52:** **Maliu i le maea ai ona tapunia filifiliga.**

*Faamaonia.*

**FUAIUPU 53:** **Taualumaga pe afai e leai se filifiliga mo se Itumalo**

*Faamaonia.*

- FUAIUPU 54:** **Faasilasilaga faalauaitale o fale palota**  
*Faamaonia.*
- FUAIUPU 55:** **O le matafaioi a le Komesina le faatotogaina o fale palota**  
*Faamaonia.*
- FUAIUPU 56:** **Tofiaina o tagata ofisa e faatautaia se faiga palota**  
*Faamaonia.*
- FUAIUPU 57:** **Tofiaina o tagata ofisa**  
*Faamaonia.*
- FUAIUPU 58:** **Pepa faatumu o pepa palota**  
*Faamaonia.*
- FUAIUPU 59:** **O le Komesina na te faaalua manino le filifiliga o se sui tauva e aunoa ma se faiga palota**  
*Faamaonia.*
- FUAIUPU 60:** **Palota e faia a o le i oo i le aso o faiga palota**  
*Faamaonia.*
- FUAIUPU 61:** **Talosaga mo le faagasologa o palota e faia a o le i oo i le aso o faiga palota.**  
*Faamaonia.*
- FUAIUPU 62:** **O tagata e mafai ona palota**

*Faamaonia.*

**FUAIUPU 63: E faamalosia ona palota**

*Faamaonia.*

**FUAIUPU 64: Tagata palota faapitoa**

*Faamaonia.*

**FUAIUPU 65: Faaavanoaina o tagata faigaluega e palota**

*Faamaonia*

**FUAIUPU 66: Itula o faiga palota**

**FOFOGA FETALAI:** O lo o i ai Teuteuga a le Komiti i le fuaiupu 66 e pei ona faaalua i le Pepa Faaopoopo o Galuega.

Tulai mai le Taitaifono o le Komiti o Tulafono Tumau.

**Tofa NAFOITOA TALAIMANU KETI:** Lau Afioga i le Fofoga Fetalai, ou te faatu le teuteuga i le fuaiupu 66 e faapea;

Ia faaofi le faafuaiupu (3) i le tuana'i ai le faafuaiupu (2) e faapea:

ō(3) Afai e le mafai ona amataina le faiga palota i se nofoaga o faiga palota po o ua tataua ona taofia le tumau, tusa lava pe ona o le mafuaaga o se faanununu po o se tulaga vevesi matilatila, faalavelave matuia faalenatura, po o so o se isi lava mafuaaga, e ao i le Ofisa Fai Palota ona:

- (a) Tolopo le faiga o le palota i lena nofoaga o faiga palota i le isi aso e sosoo ai, ma afai e talafeagai ai, mai lea aso i le isi aso seia vagana ua mafai faatino lea faiga palota; ma
- (b) Ia vave tuuina atu loa se faasilasilaga faalauaitele o le tolopoina o faiga palota i se faiga talafeagai lelei.

*Faamaonia le Teuteuga.*

*Faamaonia le Fuaiupu 66 e pei ona Teuteuina.*

**FUAIUPU 67: E ao ona loka le pusa palota a o faagasolo le faiga palota**

*Faamaonia.*

- FUAIUPU 68:**           **Tuuina atu o pepa palota**  
*Faamaonia.*
- FUAIUPU 69:**           **Tagata palota e tauaso po o le leiloa faitau tusi**  
*Faamaonia.*
- FUAIUPU 70:**           **Pepa palota ua faaleagaina**  
*Faamaonia.*
- FUAIUPU 71:**           **Faiga e faatino ai palota**  
*Faamaonia.*
- FUAIUPU 72:**           **Taualumaga pe afai ua tuuina atu faalua ni pepa palota i le tagata lava lea e tasi.**  
*Faamaonia.*
- FUAIUPU 73:**           **Tulaga faasaina e faaaoga i se tagata pe a faaaogaina le fale palota.**  
*Faamaonia.*
- FUAIUPU 74:**           **Ia le tautala atu i tagata i totonu o le fale palota**  
*Faamaonia.*
- FUAIUPU 75:**           **O fesili e mafai ona tuuina atu i se tagata palota**  
*Faamaonia*

**FUAIUPU 76:** O Ofisa Taitai e faatumauina le sologa lelei o le faiga palota

*Faamaonia.*

**FUAIUPU 77:** Faitauga muamua o palota

*Faamaonia.*

**FUAIUPU 78:** Faavasegaina o palota

*Faamaonia.*

**FUAIUPU 79:** Tiute tauave o le puipuia o ni faiga sese e faia i pepa palota.

*Faamaonia.*

**FUAIUPU 80:** Faamatalaina o upu “tagata faatagaina”

*Faamaonia.*

**FUAIUPU 81:** Faatulagaga mo le iloiloga o lisi o faasologa o igoa.

*Faamaonia.*

**FUAIUPU 82:** Ia faatusatusa ata o lisi o le faasologa o igoa ua maea ona faailoga.

*Faamaonia.*

**FUAIUPU 83:** Tualumaga mo le faitauga o palota.

*Faamaonia*

**FUAIUPU 84:** Faaaliga manino o taunuuga o le palota.

*Faamaonia.*

**FUAIUPU 85:** Talosaga i le Faamasinoga Faaitumalo mo le toe faitauga..

*Faamaonia.*

**FUAIUPU 86:** Ia faaoo atu e le Komesina pepa palota ma pepa faamaonia o le aofaiga atoa o palota.

*Faamaonia.*

**FUAIUPU 87:** Tuueseina atu o pepa palota ma isi tusi talafeagai ma pepa.

*Faamaonia.*

**FUAIUPU 88:** Tuueseina atu o ta'ui o pepa palota.

*Faamaonia.*

**FUAIUPU 89:** O le aiaina ma le faatosina o tagata palota.

*Faamaonia.*

**FUAIUPU 90:** Lomia faasalalau o mataupu tau faifai a o faia faiga palota.

*Faamaonia.*

**FUAIUPU 91:** Titina ese po o le suia o le faailoga aloaia o i luga o pepa palota

*Faamaonia.*

**FUAIUPU 92:** Soligatulafono e tusa ai ma pepa palota ma pusa palota.

*Faamaonia.*

**FUAIUPU 93:** Solia o uiga faalilolilo.

*Faamaonia.*

**FUAIUPU 94:**                   **Faiga tauvalea.**

*Faamaonia.*

**FUAIUPU 95:**                   **Faafoliga i se isi tagata.**

*Faamaonia.*

**FUAIUPU 96:**                   **Faiga faaoloataua.**

*Faamaonia.*

**FUAIUPU 97:**                   **Faiga sese e faatosina ai.**

*Faamaonia.*

**FUAIUPU 98:**                   **Faatosina i auala e le tusa ai.**

*Faamaonia.*

**FUAIUPU 99:**                   **O le sailia ina ia maua ni palota mai tagata e le agavaa e palota.**

*Faamaonia.*

**FUAIUPU 100:**                   **Gaoioiga e le tusa ai ma le Tulafono a o faagasolo le vaitaimi o faiga palota.**

*Faamaonia.*

**FUAIUPU 101:**                   **Faatinoga o Oo ma Momoli,**

**FOFOGA FETALAI:** O lo o i ai le Teuteuga a le Komiti i le fuaiupu 101 e pei ona faaalua i le Pepa Faaopoopo o Galuega. Tapa lau Afioga i le Taitaifono o le Komiti o Tulafono Tumau.

**Tofa NAFOITOA TALAIMANU KETI:** Lau Afioga i le Fofoga Fetalai ou te tulai e faatu le Teuteuga i le fuaiupu 101 e faapea:

**“TEUTEUGA:**

*Ia suia le taimi faatapulaaina mo le faatinoina o Oo ma Momoli mai i le 12 masina o lo o i ai nei i le 2 tausaga (24 masina).*

**Teuteuga o le Tulafono Tau Faaofi o Faiga Palota 2018.**

**FOFOGA FETALAI:** Ia ona ua fai foi sina sela o le Nofoa, e i ai le manatu o le a toe foi mai e faamanino le vailiu lea e mulimuli.

*Na faataatiaese Taualumaga a le Fono Aoaofa Faitulafono i le itula e 8:43 i le afiafi ma toe faaauau i le itula e 9:34 i le afiafi.*

**FOFOGA FETALAI:** Malo le onosai, maua le faasiligamalosai e faaauau ai le tatou galuega.

*Faamaonia le Teuteuga.*

*Faamaonia le fuaiupu 101 e pei ona Teuteina.*

*Na faagasolo le Tulafono Tau Faaofi o Teuteuga o le Tulafono o Faiga Palota 2018.*

**FUAIUPU 102: Tautua faaauau.**

*Faamaonia.*

**FUAIUPU 103: Faasalaga mo faiga tauvalea po o faiga e le tusa ai ma le Tulafono.**

*Faamaonia.*

**FUAIUPU 104: O tagata ua molia i faiga tauvalea e mafai ona faamaonia ua nofosala i faiga e le tusa ai ma le Tulafono.**

*Faamaonia.*

**FUAIUPU 105: Faiga faatapulaaina mo moliaga.**

*Faamaonia.*

**FUAIUPU 106: O pepa e aveese mai afifi e avea ma faamatalaga molimau i nisi tagi.**

*Faamaonia.*

**FUAIUPU 107: Auala e fesiligia ai faiga palota.**

*Faamaonia.*

**FUAIUPU 108: O tagata e mafai ona tuuina atu talosaga tau faiga palota.**

*Faamaonia.*

**FUAIUPU 109: Taimi faatapulaaina mo le tuuina atu o talosaga o faiga palota.**

*Faamaonia.*

**FUAIUPU 110: Puipuigamalu mo tupe totogi.**

*Faamaonia.*

**FUAIUPU 111: Tautinoga faaletulafono a le itu tetee.**

*Faamaonia.*

**FUAIUPU 112: O le sili atu i le tasi le talosaga e faasino i le faiga palota lava lea e tasi.**

*Faamaonia.*

**FUAIUPU 113: Tulafono Faafoe a le Faamasinoga.**

*Faamaonia.*

**FUAIUPU 114: Faamasinoga.**

*Faamaonia.*

**FUAIUPU 115: Suesueina o talosaga o faiga palota.**

*Faamaonia.*

**FOFOGA FETALAI:** Tulai mai le sui usufono o Faleata i Sisifo.

**Tofa Lealailepule Rimoni Aiafi:** Faafetai lava i lau Afioga mo le avanoa, faafetai foi mo le taumafataga na tapenaina mo le Fonotaga i le mamalu o i tatou uma. Faafetai foi i le Komiti i le tele o manatu ma finagalo na avatu, ma le taimi na tapena ai, ae leai lava ma ni suiga o aumai. Sa fesili atu foi i le Afioga i le Taitaifono, ona e tele sui usufono na saunoa i le mea lea ma manatu na avatu, i faasalaga, faasalaga foi lea, lea la ua aumai ai i i, o le mea la lea e tulituli atu aua o le mea lea e faaaoga ai ma tatou pe a maea le faiga palota.

O le mea lea e fesiligia, po o le mea lea e i ai se budget e fai ai mea nei, aua o le mea lea e sau ai tatou pe \$5, pe \$100,000 e pau lava lou tofi. O le mea la lea na fesili ma avatu le fautuaga e fai ai, po ua i ai se fuafuaga a le Komiti a tatou e i ai suiga o mea nei, e mafai ai ona taofiofia ia mea ia e fai pea e tatou taitasi o le fai o petition, ae leai ni mafuaaga tatau, ma le faaaloalo lava.

**FOFOGA FETALAI:** Malo faafetai, ia tulai mai le Taitaifono po o le Minisita.

**Afioga Hon FAAOLESA KATOPAU T AINUU (Minisita mo Faamasinoga):** Lau Afioga, o tulaga ia sa tatau ma agavaa ona momoli atu e le Komiti. O lea e i inei le lipoti a le Komiti e leai ma se mea e tasi o talanoa ai i lea vaega, ma le faaaloalo lava lau Afioga.

**FOFOGA FETALAI:** Ia, manatu o le... ia e i ai sou finagalo lau Afioga i le Taitaifono.

**Tofa Nafitoa Talaimanu Ketu:** Tulai atu ma le agaga faaaloalo lau Afioga i le Fofoga Fetalai, e tau faamanino tulaga o le fesiligia ai e le sui usufono mamalu mai Faleata Sisifo. O le tulaga na fautuaina ai le ma tuuina atu ai le fautuaga i le Minisita, ia lea sa taoto ai le faamoemoe lea e pei ona taua. Peitai la lea ua tali mai, ma e le mafai ai ona atagia ai ia le tulaga e pei ona fautuaina.

Ae i le tulaga o faasalaga ma tagi, ia sa talanoaina lava e le Komiti, manatu le Komiti o lea ua taoto lelei lava i le tulaga o lo o taoto ai le Tulafono i le taimi nei, O le agaga lea, sa tuuina atu ai le fautuaga, o lo o taoto lelei foi i le tulaga o lo o i ai ia le vaega lea o le Tulafono e 115. E pei o se tau faataata atu lea lau Afioga i le Fofoga Fetalai i le tulaga o le avega o le fautuaga, e tusa o le suesuega ma le

iloiloga faatino. O le lava sa manatu le Komiti, o lea e taoto lelei lava i le tulaga e pei ona i ai ma le faaaloalo.

**FOFOGA FETALAI:** Malo faafetai.

**TULAFONO TAU FAAOFI O FAIGA PALOTA 2018 – iloiloga auiliili**

**FUAIUPU 116:** O le faaleaogaina o le filifiliga o se sui tauva ua faamaonia le nofosala i faiga tauvalea.

*Faamaonia.*

**FUAIUPU 117:** O le faaleaogina o le filifiliga ona o faiga tauvalea.

*Faamaonia.*

**FUAIUPU 118:** Ia tausisia le amiotonu o le Faamasinoga.

*Faamaonia*

**FUAIUPU 119:** Ia faaleaogaina palota mo faiga tauvalea.

*Faamaonia.*

**FUAIUPU 120:** E le avea ni uiga sese ma ala e lē faaleaogaina ai le palota.

*Faamaonia.*

**FOFOGA FETALAI:** Tulai mai lau Afioga i le Palemia.

**Susuga Hon Tuilaepa Auelua Fatialofa Lupesoliai Lolofietele Neioti Aiono Galumalemana Dr. Sailele Malielegaoui:** E mafai ona faamanatu mai i sui usufono mamalu o le Palemene, se i leotele ae le leo. O lea e tau le maua atu lea e pei ua momoe isi.

**FOFOGA FETALAI:** Ia se i tautuana, lagolago mai i le galuega a le Fofoga Fetalai. Ia malo faafetai.

**Afioga Hon Faumuina Tiatia Faaolatane Liuga:** Lau Afioga i le Fofoga Fetalai, e ala ona le ioe atu le matou pito, ona o le faalogologo atu, ona e faapea, ÷ le avefa faiga sese, ma mea o le a le faaogaina ai ia palota. Ia o fea mea e fai ni mea sese, ae le soloia ai le palota, ma lou faaaloalo lava.

**FOFOGA FETALAI:** ÷ le avefa ni uiga sese ma ala e faaogaina ai le palota. E pei o le ...o le fuaiupu 121....

**Afioga Hon Faumuina Tiatia Faaolatane Liuga:** Lau Afioga e pei o le tulaga lena o lea matou te le ioe atu ai, ona o mea sese ae o lea o le a le soloia ai ia tofi o le la itu. Aua a sese nei ia matou, ia e soloia. E pei o le uiga lena o le matou faauigaga, ae o le mea ia ou te fia ioe, ma lou faaaloalo lava.

**FOFOGA FETALAI:** Malo, lau Afioga, o lea la ua manino.

**Susuga Hon Tuilaepa Auelua Fatialofa Lupesoliai Lolofietele Neioti Aiono Galumalemana Dr. Sailele Malielegaoi:** Lau Afioga i le Fofoga Fetalai, i le fuaiupu lava lea, matua ou fiafia lava i le faamaoni o le Taitaifono ma le latou Komiti. Ua uma ona foi mai ai i mea uma ia, o le a latou le faia ni mea sese pe a oo i latou foi faiga palota. O lea la o le faatuatuga ua avatu i le Komiti e Taitaifono ai le Sui Fofoga Fetalai, o le mafuaaga lea na ou tulai atu ai, e tau le lagona le ioe a sui usufono. O le tatou tiute o le ioe i le leo tele ia lagona mai e le Fofoga Fetalai.

**Afioga Sulamanaia Fetaiai Tauilili Tuivasa:** Lau Afioga i le Fofoga Fetalai...

**FOFOGA FETALAI:** Ia lea la ua manino le tulaga lea, e i ai mea e faaletonu o typing error a le Ofisa o le Fono, ia ma ÷ le avefa ni uiga sese ma ala e le faaogaina ai le palota. Ia o le tulaga lena e pei ona toe faasao mai, e sese le taina o le mataupu lea.. Tautuana ma i latou o outou o lo o tapenaina ia galuega a le Fono Aoaofa Fofoga.

**FUAIUPU 121:** E mausali faaiuga a le Faamasinoga.

*Faamaonia.*

**FUAIUPU 122:** Tusi faamaonia a le Faamasinoga e uiga i faiga tauvalea po o faiga faasolitulafono.

*Faamaonia.*

**FUAIUPU 123:** Lipoti Faapitoa.

*Faamaonia.*

**FUAIUPU 124:** Sainia ma le aloaia o tusi faamaonia ma lipoti.

*Faamaonia.*

**FUAIUPU 125:** Tuuina atu o le Lipoti i le Loia Sili.

*Faamaonia.*

**FUAIUPU 126:** Tusi samania ma le suesueina o molimau.

*Faamaonia.*

**FUAIUPU 127:** Tusi faamaonia o puipuiga o tagata molimau.

*Faamaonia.*

**FUAIUPU 128:** Tupe alu i tagata molimau..

*Faamaonia.*

**FUAIUPU 129:** Tupe e totogi e tagata ua faamaonia le nofosala i faiga tauvalea po o faiga e le tusa ai ma le Tulafono.

*Faamaonia.*

**FUAIUPU 130:** Tau o talosaga o faiga palota.

*Faamaonia.*

**FUAIUPU 131:** Toe faaui i tua o talosaga.

*Faamaonia.*

**FUAIUPU 132:** Suia o se itu tetee fou.

*Faamaonia.*

**FUAIUPU 133: Lipoti e uiga i le toe faai i tua.**

*Faamaonia.*

**FUAIUPU 134: Faamutaina o talosaga.**

*Faamaonia.*

**Afioga Lealailepule Rimoni Aiafi:** Lau Afioga i le Fofoga Fetalai...

**FOFOGA FETALAI:** Saunoa mai le sui usufono o Faleata i Sisifo.

**Afioga Lealailepule Rimoni Aiafi:** Faamalulu atu i lau Afioga ma le Komiti o le vaega tonu lea ou te fesili ai, o le vaega lea sa ma lauga ai. Ma e pei ona outou silafia, o le sui usufono lenei, e molia i faamasinoga uma pe a uma faiga palota. Ua matua lava lou malamalama ona o le Tulafono lea na ou manumalo mai ai.

O le uiga o lau tala, o le mea lea na ou talanoa atu ai i le vaega e 116, e tasi lava le fuaiupu lena e sau ai le faaiuga. A faasala oe, e void lau seat, aveese lau... Ae a e faitau lautele i le Tulafono i vaega uma o le Tulafono na e sau, e i ai lava ma le upu lena e aumai, o oe, o au, le or la na e ave i le avanoa o le faamasino, e pule ai ia, pe faasala tupe, pe falepuipui.

A faitau le vaega 135 lau Afioga, o tou malamalama i le mea lea na tupu talu ai, o tupe ia e offer i mea nei, e le i lalo o le \$50,000 e \$100,000 agai i luga le demand a tagata ia e tuu i ai ia latou sui usufono. Ae o le tupe lea e faasala ai i i, e na o le \$2,000. O lona uiga, e malamalama ai tagata i le vaega lea, aumai le \$100,000 sala ave na o le \$2,000 aua i petitions ia e i ai pe 8 pe 9, e na o le tasi lava le petition na faaauau na o lau petition. Ae o petitions uma lea na fai, lena e tou te silafia na totogi tupe ma tele i tua ma isi na withdraw lava latou ona o le faafefe i mea nei. Ae o le mea la sa tatau ona tilotilo i faasalaga lea o le mea lea, e tatau la ona matua tuu i luga i le \$100 penalties po o luga atu ina ia matuai taofi ai le mea sese lea, lea e fai pe a uma palota taitasi, ma ou te talitonu lava e toe tupu foi i le isi faiga palota le mea nei. Aua o le tele o tagata, e ala la ona o e sue, e le sue ona o le manao e faiaina le sui usufono, ae sue ona o le manao ina ia maua mai se tupe, e totogi atu ma taofi ai le sui usufono, o le mea taua lena sa tatau ona faamamafa ai le silasila a lau Afioga i le Sui Fofoga Fetalai, ma le faaaloalo lava lau Afioga.

**FOFOGA FETALAI:** Malo, faafetai. Ia, tulai mai le Minisita.

**Afioga Hon Faaolesa Katopau T Ainuu:** Lau Afioga, ou te talosaga atu ia aveesea ia saunoaga ma le faamaumauga a le Maota, o lea e faapea mai le sui usufono, -sa togi tupe E leai se tulaga na oo i ai, faapea na togi tupe ona faatoa malie lea o le isi itu e aumai i tua ia le latou talosaga, ma le faaaloalo lava.

O le mataupu foi lea ua toe laga, sa faapena foi ona i ai le avanoa o le sui usufono, e momoli ai i le Komiti. Ia ae e le i i ai foi se faaaliga faapea a le Komiti, ma le faaaloalo lava.

**FOFOGA FETALAI:** Ia malo.

**Afioga Lealailepule Rimoni Aiafi:** O la e molimau ia le Taitaifono o le Komiti pe faalua ea ona ou oo atu i ai. Ia ma le isi mea, e le mafai ona ou finauina mea ia aua e mafai ona ou aumaia ia faamaoniga o mea nei, ma lou faaaloalo lava.

**FOFOGA FETALAI:** Malo, faafetai.

**FUAIUPU 135:** **O le soligatulafono le totogi o tupe e taofia ai se talosaga o faiga palota.**

*Faamaonia.*

**FUAIUPU 136:** **Faaooina atu o faasilasilaga.**

*Faamaonia.*

**FUAIUPU 137:** **E tuusaunoa le Komesina mai totogifuapauina o le Faamasinoga.**

*Faamaonia.*

**FUAIUPU 138:** **Aloaia faaletulafono o tulaga faaletonu.**

*Faamaonia.*

**FUAIUPU 139:** **Faavaeina ma le tausia o le Lisi o Tagata ua Faamaonia i Faiga Tauvalea.**

*Faamaonia.*

**FUAIUPU 140:** **Tulaga faa-sui i totonu o le Fono Aoao Faitulafono.**

*Faamaonia.*

**FUAIUPU 141:** Avanoa ai o se nofoa o le Fono Aoao  
Faitulafono.

*Faamaonia.*

**FUAIUPU 142:** Molia i le avanoa ai o le nofoa.

*Faamaonia.*

**FUAIUPU 143:** Faamaonia o le avanoa ai o le tofi.

*Faamaonia.*

**FUAIUPU 144:** Faasilasilaga o le avanoa ai o le nofoa ona o  
taunuuga o se tualumaga a le faamasinoga.

*Faamaonia.*

**FUAIUPU 145:** O se soligatulafono a se Sui Usufono le seei i  
lona nofoa ae ua avanoa.

*Faamaonia.*

**FUAIUPU 146:** Faasilasilaga o le maliu o se Sui Usufono.

*Faamaonia.*

**FUAIUPU 147:** E taofia i talosaga o faiga palota le tuuina atu o  
le faasalalauga o faiga palota.

*Faamaonia.*

**FUAIUPU 148:** O le Fofoga Fetalai o le Fono Aoao Faitulafono  
na te tuuina atu le poloaiga mo le Faasalalauga  
faiga palota e faatumuina se avanoa.

*Faamaonia.*

**FUAIUPU 149:** Faasalalauga o palota laiti e tuuina atu e le Komesina.

*Faamaonia.*

**FUAIUPU 150:** O lisi o faasologa o igoa e faaoga i faiga palota laiti pe afai ua faailoa manino mai le aloaia o le faiga palota e le Faamasinoga sili.

*Faamaonia.*

**FUAIUPU 151:** Tapunia o lisi o le faasologa o igoa.

*Faamaonia.*

**FUAIUPU 152:** Aiaiga talafeagai e faaoga i faiga palota laiti.

*Faamaonia.*

**FUAIUPU 153:** Tulafono Faatonutonu.

*Faamaonia.*

**FUAIUPU 154:** Teuteuga faatupulaia i le Tulafono o Fanua ma Suafa 1981.

*Faamaonia.*

**FUAIUPU 155:** Soloia.

**Susuga Hon LAAULI POLATAIVAO LEUATEA:** Lau Afioga i le Fofoga Fetalaii

**FOFOGA FETALAI:** Se i tulai mai le sui usufono mo Gagaifomauga Nu 3.

**Susuga Hon LAAULI POLATAIVAO LEUATEA (Gagaifomauga Nu.3):** Faafetai atu mo le avanoa o lenei itumalo. Sa olo pea le fua ma faalogologo i

taualumaga o lenei Tulafono taua i lenei afiafi. Ae ua tatou taunuu i le vaega 155 i le vaega o le Soloia lea o le Tulafono 1963. Ma o le talosaga lau afioga i le Fofoga Fetalai, e tuusao lava i le Minisita. Malie lau Afioga i le Taitaifono ma le Minisita, ua ou matau ma le faanoanoa tele, ona e leai leai ma se Teuteuga e tasi na atoatoa atu i ai le Komiti o talia e lau Afioga i le Minisita. O lea foi na o matou faaleo lo matou manatu mafatia ma le lagona leaga e tele le aafiaga o matou o Savaii. E le faigofie o la e faafogafoga mai le motu, ao lea e matau i le afiafi lenei, o lea o le a soloia le Tulafono. E leai se mea e tasi o lagona na avatu, toetiiti 4 masina o fonu le Komiti. Ao lea e matau i le Tulafono i le po lenei, e te le o amanaia sa matou tuualalo. O fea o lafoai i ai o matou manatu ma lagona? O fea o lafoai i ai manatu o le motu na o mai, na sii mai le fala siigata o Salafai atoa. E le faigofie le mea lea, o le aveese o le sui usufono e tasi o Savaii ae faaopopo le 4 i Apia. E le faigofie le mea lea lau Afioga i le Minisita.

**Susuga Hon TUILAEP AUELUA FATIALOFA LUPESOLIAI LOLOFIETEELE NEIOTI AIONO GALUMALEMANA Dr. SAILELE MALIELEGAOI:** Lau Afioga i le Fofoga Fetalai.

**FOFOGA FETALAI:** Malie le sui usufono o lea ua tulai mai le Palemia.

**Susuga Hon TUILAEP AUELUA FATIALOFA LUPESOLIAI LOLOFIETEELE NEIOTI AIONO GALUMALEMANA Dr. SAILELE MALIELEGAOI:** I le tulaga e i ai a sau lava le lipoti ma fai i ai le faaiuga a le Kapeneta ma aumai i totonu o le Palemene o le Tulafono lena. A faapefea nei ona toe saʻi ua i lumamea le Tulafono. Lau Afioga le Fofoga Fetalai, o uiga lava ia o tatou mataupu. Ao tulai mai foi le sui usufono i le Taitaifono o le Komiti nei, e tele a mea sa faapena foi ona tutupu. Ao le mea lava e agai i ai la tatou Fonotaga nei i Tulafono e faataoto i i, o mea uma lava ia o lea tatou te agai i ai e fai. E le fou.

**FOFOGA FETALAI:** Atonu ua malie afenoa leí ..

**Susuga Hon LAAULI POLATAIVAO LEUATEA:** Lau Afioga i le Fofoga Fetalai, e tulai atu pea ma le ava ma le faaaloalo. E le faigofie le mea lenei i o matou manatu ma lagona. Ta le lava ta ma ta mou i lenei Paeaiga na matou o mai o atoa matou, o lea o le a matou foi atu i le motu ua le atoa sui usufono o Savaii. O le ala lea o le tagitagi atu lau Afioga, aua o lea e matau ua leai lava ma se mea o aogaí fautuaga na avatu.

**Susuga Hon TUILAEP AUELUA FATIALOFA LUPESOLIAI LOLOFIETEELE NEIOTI AIONO GALUMALEMANA Dr. SAILELE MALIELEGAOI:** O lea ou te matau atu i Teuteuga nei e faagasolo nei, o faagasologa ia o teuteuga tetele ia o teuteuga o faiga palota. Ua luasefulu tausaga talu ona faagasolo ia teuteuga nei. O le teuteuga muamua na fai i totonu iinei, teuteu ai ma lo tatou Faavae, ona tatala lea o la tatou palota. Ua le na o matai ae ua tatala i tua ina ia avanoa ia faifeau, faletua ma tausua ma i latou ua luasefulu tasi o taulelea o teine. Ona uma lea o le teuteuga lena ina ia o gatasi ai Samoa ma le

lagolagi atoa o lo o faaupu i le faaupuga faaperetania o le Universal Suffrage, e le gata i Samoa ao le lagolagi atoa, e tau fai palota ai alii ma tamaitai i le 21 tausaga agai i luga.

O le Teuteuga lona 2, o le suia o fuainumera o le Kapeneta mai le 9 na i ai mai le 1962 suia i le 1991. I le 13 lea e i ai nei na mafua a. O lea foi sa saofai ai ma le sui usufono o saunoa nei i totonu o le Kapeneta.

O le suiga lona 3, e le i faataunuuina, o le suiga lea sa luga lalo ai le atunuu atoa ma alu le Pelepesite, pe tatau ona 2 ni Maota o le Palemene lenei, ona sa i ai le manatu e tatau ona lua. O le Maota Maualuga e i ai Tama a aiga, ma le Maota Maualalo e o mai i ai tatou. Ona ave lea faa referendum, sau le tali a le atunuu, e leai ua lava le tasi. O lea la e tumau ai pea le tasi, e na o le Maota lenei.

O le suiga lona 4, o le suiga lea o le tatou nofoaiga mai le 3 i le lima tausaga, o le mafuaaga na ala ai ona fai le Teuteuga lea, ona e le lava le taimi e faatino ai a tatou galuega, na o nai teuteuga faalumafale. Ae leai se agai atu ina ia faatino i le loloto ia le atinae tetele mo Samoa, aua e fananau mai i le 4 tausaga ae 4 ua le aoga ua uma ona fai ia faiga palota. E agai a la faigamalo i le tai 3 tausaga, i le fai o nai tamai mea faatalapelo, e fua mai i le lua tausaga ae le agai i le fai o atinae tetele. O lea la ua fofu i i, ina ua teuteu e le Faigamalo a le HRPP ia le umi, o Paeaiga mai le tolu i le lima tausaga.

O le Teuteuga lona 5, ua toe faatulaga itumalo e faatutusa, ae soloia ia mea o itumalo tetele, e lua a latou sui faipule ma itumalo laiti e tasi o latou sui usufono. Ona a lea? o lea na suia ai, e tasi lava le itumalo tasi le sui faipule.

Ma le teuteuga lona 6, ua tatau loa ona tatou sosolo loa i le tulaga e tasi le tagata tasi le palota, e le toe lua ni palota a se sui palota. E pei o le mea lea na fai i itumalo tetele, ua tele ina vevesi ai le Palemene lenei. Aemaise lava i le tulaga lea o le o o sui usufono e galulue faatasi ae uma ifo ua toe fetuiai.

Ma le suiga faaii lenei na tagofia ai loa le mataupu lenei, lau Afioga i le Fofoga Fetalai. O le mataupu na amata mai lava i le 1962, o lagalaga mai e itumalo, e toe faaopoopo se sui usufono toe faaopoopo se sui usufono e le lava. Aua e tupu pea le faitau aofai o tagata. O lea la ua laa loa le Malo, e fofu le mataupu lenei i le fofu tumau. O le a le fofu tumau? E teuteu loa tuaoi palota, e le aafia lava ia tuaoi faaleaganuu, e tuu mai lava tuaoi faaleaganuu. Ao tuaoi faapalota, e fetuutuunai, ina ia maua ai le paleni o fuainumera o tagata palota. E le taitai fetau i le itumalo e 200 tagata ae sau ai le sui usufono e toatasi ma le itumalo e 5000 ae na o le tasi lo latou sui usufono. E tatau lava ona fetuutuunai fuainumera.

O le manatu faapea o Pule ma Tumua, o lea lava na fofu mai lava i le amataga. E oo lava ia Lufilufi ma Leulumoega na taitasi o latou sui usufono. Ma tietie atu ai lava ma isi nuu.

Lau Afioga i le Fofoga fetalai, e le o le tele o le leo, ae tilotilo i le loloto o mea o mea o lo o fuafua. O le fofu lea ua faataoto e aafia ai Teuteuga tetele nei a le Faigamalo lenei, ina ia paleni le tulaga o palota. E le aafia a tatou tu ma agaifanua, e na o fuainumera lava lea e taumafai, e tatau ona i ai se paleni. Lau Afioga i le Fofoga Fetalai, o lau tu atu lena i le sui usufono, ua fai si leoleoa o le leo, ae faigofie lava le mataupu. Afai ae aumai lou finagalo i le Komiti, aumai e le Minisita i le Kapeneta, alu atu le faaiuga o le faaiuga lava lena lau afioga. Ma o se mataupu ua leva foi ona faatalanoaina e le vaega lenei faaupufai. Lau Afioga i le Fofoga Fetalai, o le toe faamalamalamaga lena.

**FOFOGA FETALAI:** Malo faafetai..E tau fesoasoani atuí

**Susuga Hon LAAULI POLATAIVAO LEUATEA:** Lau Afioga i le Fofoga Fetalai, e le sii se ta, e leai foi se agaga e faatau matatao i le finagalo o le Malo, leai. O le matou ololo pito vao lava lau afioga. A faavasega i le faavasega faigofie, ua aveese le sui usufono e toatasi o Savaii. O lea o le a faasolo le fologa o le vaa.

**Susuga Hon TUILAEP AUELUA FATIALOFA LUPESOLIAI LOLOFIETELE NEIOTI AIONO GALUMALEMANA Dr. SAILELE MALIELEGAOI:** Lau Afioga i le Fofoga Fetalai, e na o na aveese lava ae o la e tumau. E le o tatou ni vale. Aua le faavalea le atunuu o la e faafogafoga mai. O Leauvaa lea ua i i inei, ao tagata Savaii lava lea e i ai, ae le i teuteua a tatou Tulafono. E le o ni vale ia na faataotoa le Tulafono, e tele le galuega sa fai.

**FOFOGA FETALAI:** Malo faafetai. Faafetai o lea ua manino. Se i ou fesoasoani atu i le tulaga o le mataupu lea, se ia oo atu i le tulaga e taofi ai le Tulafono, o lea tatou te auiliilia le tulaga o le Tulafono o Faigapalota. E le o talanoaina ai le mea lea. Se i oo atu i le mea lea ona tuu atu lea o le avanoa. Malie Faasootauloaí

**Tofa OLO FITI AFOA VAAI:** Faafetai i le Malo o lea eí

**Tofa Hon Faasootauloa Pati Taulapapa:** E talosaga mai ma faamaualalo maií

**FOFOGA FETALAI:** Ona o le mataupu lea ua laga maií Malie le sui usufono o lea ua ou fesoasoani atu ae fesoasoani mai i le galuega. A oo atu i le Tulafono lea e tagofia ai le mataupu lea ona tuu atu lea o le avanoa. O lea tatou te i le auiliiliga o le Tulafono o le faiga palota e le i oo i le tulaga lea faamolemole. Ae faafetai o lea ua vave saunoa faamalamalama le Malo, o le uiga lava lea o le manatu ina ia vave ona to manu i fale e pei o le upu a le aumatutua.

*Faamaonia le fuaiupu 155.*

**FUAIUPU 156: Aiaiga Tau Soloaiga ma aiaiga faasaoina**

**FOFOGA FETALAI:** O lo o i ai le Teuteuga a le Komiti i le fuaiupu 156 e pei ona faaalua i le Pepa Faaopopo o galuega.  
Tapa le Taitaifono o le Komiti o Tulafono Tumau

**Tofa NAFOITOA TALAIMANU KETI:** Lau Afioga i le Fofoga Fetalai ou te faatu le Teuteuga i le fuaiupu 156 e faapea :

**“TEUTEUGA:**

Ia faaofi le parakalafa ( c ) fou ua faatulaga atu i lalo ma ia suia parakalafa ( c) ma le (d) o i ai nei e avea ma parakalafa (d) ma le (e):

**“( c ) E tuusaunoa se sui usufono, ma le faamoemoe o le fuaiupu 8(1)( c), mai manaoga i lalo o lena fuaiupu, pe afai o le sui usufono, i le amata faamamaluina o lena Tulafono, o lo o avea ma sui o se itumalo palota lea o le a vaevaeina po o e fou ona faavaeina, e afua ai i se tulafono o e faatatau i itumalo palota”.**

*Faamaonia le Teuteuga.*

*Faamaonia le Fuaiupu 156 e pei ona teuteuina.*

#### **FUAIUPU 1 MA LE IGOA**

**FUAIUPU 1: Igoa puupuu ma le amataga  
IGOA: Tulafono o Faiga Palota 2018**

**FOFOGA FETALAI:** O lo o i ai le faasaoga i le fuaiupu 1 ma le Igoa e pei ona faaalua i le Pepa Faaopoopo o Galuega.

Tulai mai lau Afioga i le Taitaifono o le Komiti.

**Tofa NAFOITOA TALAIMANU KETI:** Lau Afioga i le Fofoga Fetalai, ou te faatu le Faasaoga i le Fuaiupu 1 ma le Igoa e faapea;

#### **“TEUTEUGA:**

Ia aveese le fuainumera 2018 ma suia i le fuainumera 2019 ma faitauina ai le Igoa o le Tulafono e faapea:

#### **TULAFONO O FAIGA PALOTA 2019”**

*Faamaonia le Faasaoga.*

*Faamaonia le Fuaiupu 1 ma le Igoa e pei ona faasaoina*

*Na faagasolo le Tulafono Tau Faaofi o Faiga Palota 2018 faatasi ma Teuteuga ma le Faasaoga.*

#### **TULAFONO TAU FAAOFI O LE KOMISI O FAIGA PALOTA 2018 – iloiloga auiliili**

**FOFOGA FETALAI:** E tusa ai ma le Tulafono Tumau e tatau ona faamaonia muamua e le Fono Aoa le lipoti a le Komiti ona avanoa ai lea o le Tulafono Tau Faaofi mo le iloiloga auiliili

Tulai mai le Taitaifono o le Komiti o Tulafono Tumau, Mataupu tau Faiga Palota, Talosaga ma Tofiga faale-Faavae.

**Tofa NAFOITOA TALAIMANU KETI:** Lau Afioga i le Fofoga Fetalai ou te faatu le lafo, *Ina ia faamaonia e le Fono Aoao le lipoti a le Komiti o lo o fautuaina ai ina ia faagasolo le Tulafono Tau Faaofi faatasi ma Teuteuga ma Faasaoga.*

**FUAIUPU 2:** **Faamatalaina o uiga o upu.**

*Faamaonia.*

**FUAIUPU 3:** **Faavaeina.**

*Faamaonia.*

**FUAIUPU 4:** **Galuega tauave.**

*Faamaonia.*

**FUAIUPU 5:** **Tulaga tutoatasi.**

*Faamaonia.*

**FUAIUPU 6:** **Lipoti e uiga i faiga palota aoao.**

*Faamaonia.*

**FUAIUPU 7:** **Faavaeina ma le tofiaina.**

*Faamaonia.*

**FUAIUPU 8:** **Tuutuuga o le tofi.**

**FOFOGA FETALAI:** O lo o i ai Teuteuga a le Komiti i le fuaiupu 8 e pei ona faaalia i le Pepa Faaopoopo o Galuega.

Tulai mai le Taitaifono o le Komiti o Tulafono Tumau.

**Tofa NAFOITOA TALAIMANU KETI:** Lau Afioga i le Fofoga Fetalai ou te faatu le Teuteuga i le fuaiupu 8 e faapea:

Ia soloia le numera 030 ma suia i le numera 050 ma faitauina ai le fuaiupu 8(a) e faapea:

**8(a) e umiaina le tofi mo le lima (5) tausaga ma i luga o isi tuutuuga ma aiaiga ua faamaonia e le Kapeneta;”**

*Faamaonia le Teuteuga.*

*Faamaonia le Fuaiupu 8 e pei ona Teuteuina.*

**FUAIUPU 9: Faamavaega, faamutaina ma le avanoa o le tofi.**

*Faamaonia.*

**FUAIUPU 10: Tautinoga o aia.**

*Faamaonia.*

**FUAIUPU 11: Sui Komesina o Faiga Palota.**

*Faamaonia.*

**FUAIUPU 12: Afaigaluega o le Komisi.**

*Faamaonia.*

**FUAIUPU 13: Faafaigaluegaina le tumau o tagata faigaluega a le Malo.**

*Faamaonia.*

**FUAIUPU 14: Taiala mo galuega.**

*Faamaonia.*

**FUAIUPU 15: Totogi.**

*Faamaonia.*

**FUAIUPU 16: Fuafuaga autasi.**

*Faamaonia.*

**FUAIUPU 17: Lipotia o soligatulafono.**

*Faamaonia.*

**FUAIUPU 18: Tupe.**

*Faamaonia.*

**FUAIUPU 19: Lipoti faaletausaga.**

*Faamaonia.*

**FUAIUPU 20: Komiti mo Tuaoi o Itumalo Palota.**

*Faamaonia.*

**FOFOGA FETALAI:** O lo o i ai le Teuteuga a le Komiti i le fuaiupu 20 e pei ona faaalua i le Pepa Faaopoopo o Galuega.

Ou te tapa le Taitaifono o le Komiti o Tulafono Tumau.

**Tofa NAFOITOA TALAIMANU KETI:** Lau Afioga i le Fofoga Fetalai ou te faatu le Teuteuga i le fuaiupu 20 e faapea:-

**“TEUTEUGA:**

- (i) Ia soloia le Fuaiupu 20 mai le Tulafono Tau Faaofi o le Komisi o Faiga Palota ae aiaia i totonu o le Tulafono Tau Faaofi o Itumalo Palota 2018.
- (ii) Ia toe faatulaga aiaiga i totonu o le Tulafono Tau Faaofi o Itumalo Palota 2018.
- (iii) Ia toe faatulaga aiaiga e pei ona i ai i le faasologa o fuaiupu ina ia suia le fuaiupu 21 e avea ma fuaiupu 22.ö

*Faamaonia le Teuteuga.*

*Faamaonia le Fuaiupu 20 e pei ona Teuteuina.*

**Susuga Hon TUILAEP AUELUA FATIALOFA LUPESOLIAI LOLOFIETEELE NEIOTI AIONO GALUMALEMANA Dr. SAILELE MALIELEGAOI:** Lau Afioga i le Fofoga Fetalai, ou te tulai atu lava e aumai lava i se faamatalaga manino le uiga o le teuteuga lea, ona e ese lau faitauga i teuteuga ia. Se i aumai manino lava po o le a le uiga tonu o teuteuga ia.

**Tofa NAFOITOA TALAIMANU KETI:** Lau Afioga i le Fofoga Fetalai, i le iloiloga a le Komiti i lenei lava fuaiupu 20 a le Komisi o Faiga Palota ma fautuaina ai e le taiulu foi ma tapa ai se... ai la o lea sa latou fautuaina ai, e lelei le see mai o le vaega lea o le Tulafono e tuu i le Tulafono o Itumalo Palota, ona e pei e foliga e agai tonu i ina le vaega tonu lea o le Tulafono ae aveese mai le Tulafono lea o le Komisi o Faiga Palota. E pei o le agaga lena o lea sa ave ai le fautuaga, ma o lea ua aumai ai le tali a le Malo. Ma le faaaloalo.

**Susuga Hon TUILAEP AUELUA FATIALOFA LUPESOLIAI LOLOFIETEELE NEIOTI AIONO GALUMALEMANA Dr. SAILELE MALIELEGAOI:** Ona o lea ou te tilotilo atu, o lea ua oo tonu lava i le vaega lea o tuaoi palota. O le mea lena o lea sa ou fia malamalama ai, po o le tulaga lea e i ai le talosaga lea na aumai a Saleaula. O lea ou te fesili atu ai po o i tonu lea e lotea ai le talosaga a Saleaula.

**Tofa NAFOITOA TALAIMANU KETI:** Lau Afioga i le Fofoga Fetalai, ou te tautala faa-Komiti lenei ou te manatu e lelei ona taoto le talosaga a Saleaula se i tagofia le Tulafono lea o Itumalo Palota, o lea la ua ave i ai le vaega lea o le Tulafono ma talosagaina ai ina ia tuu i lalo o le Tulafono o Itumalo Palota ae aveese mai le Komisi o Faiga Palota, aua e lua Tulafono ia, o le Komisi o Faiga Palota ma le Itumalo Faa-Palota. A oo la i ai, ona faaumaina foi lea o le tulaga e pei ona i ai le talosaga faamaualalo a Saleaula pe a oo i ai le faasologa. Ia, pei o se matou lea vaivaiga. Ma lou faaaloalo.

**Susuga Hon TUILAEP AUELUA FATIALOFA LUPESOLIAI LOLOFIETEELE NEIOTI AIONO GALUMALEMANA Dr. SAILELE**

**MALIELEGAOI:** O le mea lena o lea na ou tulai atu ai ina ia ou manino i i, ae o lea la ua e faamaninoa mai ia au, ona e i ai tulaga maaleale ia sa laga.

**FOFOGA FETALAI:** Malo faafetai. Atonu ua manino la le vala lea pei ona saunoa le Taitaifono ua faafesili foi le Afioga i le Palemia.

*Faamaonia le Teuteuga.*

*Faamaonia le Fuaiupu 20 e pei ona Teuteuina.*

**FUAIUPU 21: Tuusaunoaga o noataga.**

*Faamaonia.*

**FUAIUPU 22: Tulafono faatonutonu.**

*Faamaonia.*

**FUAIUPU 23: Teuteuga ma aiaiga tau soloaiga.**

*Faamaonia.*

**FUAIUPU 1 MA LE IGOA:**

**FUAIUPU 1: Igoa puupuu ma le amataga.**

**IGOA: Tulafono o le Komisi o Faiga Palota 2018.**

**FOFOGA FETALAI:** O lo o i ai le Faasaoga a le Komiti i le fuaiupu 1 ma le Igoa.

Tulai mai le Taitaifono o le Komiti o Tulafono Tumau.

**Tofa NAFOITOA TALAIMANU KETI:** Lau Afioga i le Fofoga Fetalai ou te faatu le Faasaoga i le fuaiupu 1 ma le Igoa e faapea:-

**“FAASAOGA:**

Ia aveese le fuainumera 2018 ma suia i le fuainumera 2019 ma faitauina ai le Igoa o le tulafono e faapea:-

**Tulafono o Komisi o Faiga Palota 2019.”**

*Faamaonia le Faasaoga.*

*Faamaonia le Fuaiupu 1 ma le Igoa e pei ona Faasaoina.*

*Na faagasolo le Tulafono Tau Faaofi o le Komisi o Faiga Palota 2018 faatasi ma Teuteuga ma le Faasaoga.*

## **TULAFONO TAU FAAOFI O TEUTEUGA O LE FAAVAE (NU.2) 2018 – iloiloga auiliili**

**FOFOGA FETALAI:** E tusa ai ma Tulafono Tumau, e ao ona faamaonia muamua e le Fono Aoa le Lipoti a le Komiti i le Tulafono Tau Faaofi ona avanoa ai lea o le Tulafono Tau Faaofi mo le Iloiloga Auiliili.

Ou te tapa le Taitaifono o le Komiti o Tulafono Tumau.

**Tofa NAFOITOA TALAIMANU KETI:** Lau Afioga i le Fofoga Fetalai ou te faatu le lafo, *Ina ia faamaonia e le Fono Aoa le Lipoti a le Komiti o lo o fautuaina ai ina ia faagasolo le Tulafono Tau Faaofi o Teuteuga o le Faavae (Nu.2) 2018 faatasi ma Teuteuga ma Faasaoga.*

*Na faamaonia le lafo.*

### **FUAIUPU 2: Ua teuteuina le Mataupu 72.**

**FOFOGA FETALAI:** O lo o i ai le Teuteuga a le Komiti i le fuaiupu 2. Tulai mai lau Afioga i le Taitaifono.

**Tofa NAFOITOA TALAIMANU KETI:** Lau Afioga i le Fofoga Fetalai ou te faatu le Teuteuga i le fuaiupu 2 e faapea:

1. Fuaiupu 2(2) ó Ua teuteuina le Fuaiupu 2 i le faaopoopo o le upu õma le Peresetene o le Faamasinoga o Fanua ma Suafaõ i le maea ai o upu õFaamasino o le Faamasinoga Siliõ ma faituina ai le Mataupu 72(2)(4) fou e faapea:

**“O le malosiaga e tofia ai, siitia le tulaga tofi ma le siitia i se tasi Vaega o so o se tagata o i ai se tofi faale-faamasinoga, e ese ai na i se Faamasino o le Faamasinoga Sili, ma le Peresetene o le Faamasinoga o Fanua ma Suafa, ma faapea ai ma le faamaloloina o so o se tagata o i ai se tofi faale-faamasinoga, e ese ai na i se faamasino o le Faamasinoga Sili ma le Peresetene o le Faamasinoga o Fanua ma Suafa, ua faapea nei ona faaee atu i le Ao o le Malo, i le faia i luga o le fautuaga a le Komisi o Galuega Tau Faamasinoga e pei ona mafai ona aiaia ai e le Tulafono.”**

2. Fuaiupu 2(3) ó ia aveese le faaupuga òso o se suiö ma sua i le faaupuga òsui e toatoluö ma faitauina ai le faafuaiupu (3) e faapea:-

**“(3) I le noatia ma le fai fuafua i le fuaiupu (2), e mafai ona taloina se fonotaga a le Komisi o Galuega Tau Faamasinoga, e sui e toatolu, vagana ai le Resitara”.**

*Faamaonia le Teuteuga.*

*Faamaonia le Fuaiupu 2 e pei ona Teuteuina.*

**FUAIUPU 1 MA LE IGOA:**

**FUAIUPU 1: Igoa puupuu ma le amataga.**

**IGOA: Teuteuga o le Faavae (Nu.2) 2018.**

**FOFOGA FETALAI:** O lo o i ai le Faasaoga a le Komiti i le Fuaiupu 1 ma le Igoa e pei ona faaalia i le Pepa Faaopoopo o Galuega.

Tulai mai le Taitaifono o le Komiti.

**Tofa NAFOITOA TALAIMANU KETI:** Lau Afioga i le Fofoga Fetalai ou te faatu le Faasaoga i le Fuaiupu 1 ma le Igoa e faapea:-

**“FAASAOGA:**

Ia aveese le fuainumera 2018 ma sua i le fuainumera 2019 ma faitauina ai le Igoa o le Tulafono e faapea:

**Teuteuga o le Faavae (Nu.2) 2019.**

*Faamaonia le Faasaoga.*

*Faamaonia le Fuaiupu 1 ma le Igoa e pei ona faasaoina.*

*Na faagasolo le Tulafono Tau Faaofi o Teuteuga o le Faavae (Nu.2) 2018 faatasi ma le Teuteuga ma le Faasaoga.*

**TULAFONO TAU FAAOFI O TEUTEUGA O LE FAAVAE (NU.1) 2018 –  
iloiloga auiliili**

**FOFOGA FETALAI:** E tusa ai ma Tulafono Tumau e ao ona faamaonia muamua e le Fono Aoa le Lipoti a le Komiti i le Tulafono Tau Faaofi ona avanoa ai lea o le Tulafono Tau Faaofi mo le iloiloina auiliili.

Ou te tapa le Taitaifono o le Komiti o Tulafono Tumau.

**Tofa NAFOITOA TALAIMANU KETI:** Lau Afioga i le Taitaifono ou te faatu le lafo, *Ina ia faamaonia e le Fono Aoa le Lipoti a le Komiti o lo o fautuaina ai ina ia faagasolo le Tulafono Tau Faaofi o Teuteuga o le Faavae (Nu.1) 2018 faatasi ma Faasaoga.*

*Na faamaonia le lafo.*

**FOFOGA FETALAI:** O lea ua faamaonia e le Fono Aoa le Lipoti a le Komiti ma o lea o le a sagai atu loa mo le iloiloga auiliili.

E tusa ai ma Tulafono Tumau e amata le iloiloga auiliili i le fuaiupu 2.

**FUAIUPU 2: Ua teuteuina le Mataupu 44.**

*Faamaonia.*

**FUAIUPU 3: Ua teuteuina le Mataupu 109.**

*Faamaonia.*

**FUAIUPU 4: Aiaiga tau soloaiga.**

*Faamaonia.*

**FUAIUPU 1 MA LE IGOA:**

**FUAIUPU: Igoa puupuu ma le amataga.**

**IGOA: Teuteuga o le Faavae (Nu.1).**

**FOFOGA FETALAI:** O lo o i ai le Faasaoga a le Komiti i le Fuaiupu 1 ma le Igoa. Ou te tapa le Taitaifono o le Komiti o Tulafono Tumau.

**Tofa NAFOITOA TALAIMANU KETI:** Lau Afioga i le Fofoga Fetalai, ou te faatu le Faasaoga i le Fuaiupu 1 ma le Igoa e faapea:-

**“FAASAOGA:**

Ia aveese le fuainumera 2018 ma suia i le fuainumera 2019 ma faaofi le (3) ma faaofi le (3) ma faitauina ai le Igoa o le Tulafono e faapea:

**Teuteuga o le Faavae (Nu.3) 2019.”**

*Faamaonia le Faasaoga.*

*Faamaonia le Fuaiupu 1 ma le Igoa e pei ona Faasaoina.*

*Na faagasolo le Tulafono Tau Faaofi o Teuteuga o le Faavae (Nu.3) 2019 faatasi ma le Faasaoga.*

**TULAFONO TAU FAAOFI O ITUMALO PALOTA 2018**  
**- iloiloga auiliili**

**FOFOGA FETALAI:** E tusa ai ma Tulafono Tumau e ao ona faamaonia muamua e le Fono Aoao le Lipoti a le Komiti i le Tulafono Tau Faaofi ona avanoa ai lea mo le iloiloga auiliili.

Ou te tapa le Taitaifono o le Komiti o Tulafono Tumau.

**Tofa NAFOITOA TALAIMANU KETI:** Lau Afioga i le Fofoga Fetalai ou te faatu le lafo, *Ina ia faamaonia e le Fofoga Fono Aoao le Lipoti a le Komiti o lo o fautuaina ai ina ia faagasolo le Tulafono Tau Faaofi o Itumalo Palota 2018 faatasi ma Teuteuga ma Faasaoga.*

*Na faamaonia le lafo.*

**FOFOGA FETALAI:** O lea ua faamaonia e le Fono Aoao le Lipoti a le Komiti i le Tulafono Tau Faaofi ma o le a sagai atu loa mo le Iloiloga Auiliili.

E tusa ai ma Tulafono Tumau e amata le iloiloga auiliili i le Fuaiupu 2.

**FUAIUPU 2: Fuafuaina o Itumalo Palota.**

**FOFOGA FETALAI:** O lo o i ai le Teuteuga a le Komiti i le fuaiupu 2. Tulai mai le Taitaifono o le Komiti o Tulafono Tumau.

**Tofa NAFOITOA TALAIMANU KETI:** Lau Afioga i le Fofoga Fetalai ou te faatu le Teuteuga i le fuaiupu 2(2) e faapea:

**“TEUTEUGA:**

1. Itumalo Palota 37 ó Gagaemauga Nu.1.
  - (a)Ia faaopopo le nuu o Safai i le Itumalo Palota 37 ó Gagaemauga Nu.1.
  - (b)Ia faamuamua le nuu o óSaleaulaö ina ia atagia ai le faatumauina pea o le nofoa o Saleaula o se tasi o Puleono i Salafai ma faitauina ai le faasologa fou e faapea:-

**“Gagaemauga Nu.1 – Saleaula, Patamea, Samalaeulu, Mauga & Safai.**

2. Itumalo Palota 38 ó Gagaemauga Nu.2.

Ia aveese le afioaga o óSafaiö e pei ona aiaia i le faasologa o nuu o le Itumalo Palota 38 ó Gagaemauga Nu.2, ae faaopopo i le Itumalo Palota 37 ó Gagaemauga Nu.1.

**Afioga Hon FAAOLESA KATOPAU T. AINUU:** Lau Afioga i le Fofoga Fetalai, ou te matau atu ma le totoa le teuteuga lea o le Tulafono a le Komiti ona e

fou ia te au lea faaupuga o le teuteuga. E le i avatua i le Lipoti a le Komiti, e pei e foliga mai o lea faatoa folasia i lumamea. Ma ou te tautino atu, e matua teena e le Malo le Teuteuga e pei ona faatulai mai nei. Ma le agaga faaaloalo.

**Susuga Hon TUILAEP AUELUA FATIALOFA LUPESOLIAI LOLOFIETELE NEIOTI AIONO GALUMALEMANA Dr. SAILELE MALIELEGAOI:** Lau Afioga i le Fofoga Fetalai o le Teuteuga lea sa ou faatalitali i ai, ua uma ona matou feiloai ma Saleaula, o le finagalo o Saleaula sa aumai ia te au, na pau lava le mea e popole ai ne i te i ua soloia le latou nofoa. O lau tali e le soloia, o lea lava e tumau le nofoa. A silasila i le faasologa o igoa, o lea e faasolo igoa o Itumalo i le tatou faasologa masani o mataitusi, e amata mai lava i le A, E, I, O, U, faasolosolo mai ai lava lea seia oo i le V. O lona uiga, o lea lava e alu i luga o mataitusi, e le o feosofai. Pei e tau matau atu, pei o le agaga lea ia Saleaula o le tulaga pule. E pei o le agaga lea ia Saleaula na o le tulaga lava lea i le itumalo palota o Gagaemauga ina ia soloia ai le faasologa o mataitusi mai le A, E, I, O, U se i oo i le V.

Ua ala ona faaoga le faasologa lea, o le tulaga masani lava e leai se isi itumalo e sili ae i luga o le isi itumalo. O le tulaga la lena ua ou tilotilo atu nei i le faatulagaga lea e i ai, e le o se tulaga foi e faamuamua ona faapea lea ua le amanaia le itumalo o mulimuli mai. Sa ou manatu e tatau ona faaeteete le Komiti aemaise o le Taitaifono ona o lea ua aumai i lana fautuaga, o lea foi ua faasee ese mai le isi nuu lea o Safai i Saleaula, ona aafia atoa ai lava lea o le paleni. O le taumafaiga taua ia tau faatutusa itumalo i le faitau aofai o tagata. Ua tele tele le eseese lea ua i ai, o lea la e amata atu i i, ona faasolosolo ai lava lea i le lumanai. Po o le isi 10 tausaga ona toe tilotilo foi lea i ai o lea ua taoto le toe faatulagaga i le taumafai e faatutusa itumalo.

Na pau lava lea o le faiga o lo o fai foi i atunuu uma o le lalolagi i le mea lea o le eseese o fuainumera ona e tatau lava ona i ai se paleni. Ma o le mea tonu lava lea na vevesi ai le Maota lena mai lava i le amataga. O le taofi ua tele le itumalo e tatau loa ona toe faaopopo ni sui. O lea la ua soloia le mea lena e le mafai ona toe faaopopo ai ni sui i le faatulagaga lea ua i ai nei. Na o le fesoloai lava o tuaoi palota, ae tumau lava tu ma agaifanua. O le faamaoniga o lena mea, o le itumalo lea o Safata, lea sa omai savali i inei i le Maota o atu foi ia te au ina ua amata teuteuga nei, o le fofu tumau, e oo i le faavavau. O le fofu tumau e oo i le faavavau.

O le mataupu lava lea o le tupu pea o le feeseeseai o taofi i fuainumera ma le taumafai o le tatou Malo ina ia faataoto se faiga mautu ina ia aua ai ne i toe lagalaga manatu i le mataupu lena. O se fofu e tatau ona fai, ma e le mafai ona toe tuua i se isi taimi. O le taimi lena ua tatau ona faatino ai loa suiga nei se i tatou vaavaai i ai. O le mea lea e tulai mai nei, pei o le te fefevale le faapogai o le tetea, sa tupu foi ia Safata, o lea ua pisa pisa pisa Safata o le a malepe ai le itumalo, o le a aafia agaifanua i le suia o tuaoi palota. O le a la le mea lea ua i ai nei? E leai lava ma se mea o toe laga, o lo o sologa lelei le faataotoga o tuaoi o le itumalo, na faataoto atu lava i le faiga lea ua faatino ai nei. O le mea la lea ou te faamalulu atu, o lea ua ou talanoa atu o au o le Taitai o le Vaega lena, i le tulaga o suiga taua ogaoga faapenei, e le mafai ona ou io i le Malo i le teuteuga lea, ae

toe foi lava i le faatulagaga sa avatu ai le Tulafono. O lona uiga, o le teuteuga ua aumai nei ou te teena.

**FOFOGA FETALAI:** Malo faafetai. Ia, Faasoo...

**Tofa Hon FAASOOTAULOA PATI TAULAPAPA (Gagaemauga Nu.2):** Faafetai lava i lau Afioga i le Fofoga Fetalai, o lenei foi itumalo e se a se a..

**Susuga Hon TUILAEP AUELUA FATIALOFA LUPESOLIAI LOLOFIETELE NEIOTI AIONO GALUMALEMANA Dr. SAILELE MALIELEGAOI:** Lau Afioga ina ia manino, e teena le teuteuga lea, ae toe tumau lava i le tulaga lea na avatu ai le Tulafono e faapenei:

**Teuteuga o le Tulafono:**

*Itumalo Palota 37*

*Gagaemauga Nu.1. Mauga, Patamea, Samalaeulu, Saleaula.*

*Itumalo palota 38*

*Gagaemauga Nu.2. Avao, Fagamalo, Lelepa, Safai, Saleia, Satoalepai, Vaipouli.*

O le tulaga lena lea na avatu ai le Tulafono, ma o le tulaga lena o lea ou te tulai atu ai, e faatumau, ae faataaiaese ia le lafo faatu a le Komiti.

**FOFOGA FETALAI:** Malo faafetai, o lea ua....

**Tofa Hon FAASOOTAULOA PATI TAULAPAPA:** Faafetai i lau Afioga i le Fofoga Fetalai, e pei lava ona ou fai atu, o le itumalo lenei e se a se a sii, se a se a foi fai se lauga, ae talu ai ona o le Tulafono lenei, ua uma lava ona uia e le sui usufono lenei ia tulaga uma e pei ona... O le mea muamua ou te avatu lau faatoesega i le Fofoga Fetalai, o lea ua o ese Leauvaa, ua ou malie i ai. Numera 1 Samauga, Mauga, Patamea, tumau pea Saleaula i le Numera 2. O lea e talafeagai e leai lava ni finauga e fai ai. A faaopopo mai Safai, e le sosoo eleele, pe a fai ai. E le afaina fua, o lea ua aveese Leauvaa. O Leauvaa lava, o Patamea, Mauga ma Samalaeulu. Ae o lea o le a toe momono mai Samalaeulu ma Patamea i Saleaula. Ou te matua teena lava lea mea, o lea foi sa ou oo lava i lo matou itumalo, e ui lava ina ou lagona le faigata, ae na ou fai i ai, o mai e o e vaai le Afioga i le Palemia. O lea na o ai.

**FOFOGA FETALAI:** Ua maua atu le finagalo o le sui usufono. Ou te faamalulu atu foi ona o le tulaga o avanoa ma o tatou taimi, o lea foi ua e faafofoga mai o lea foi e manino le saunoaga a le Palemia ia..

**Tofa Hon FAASOOTAULOA PATI TAULAPAPA:** O lea ou te fai atu foi o lea ou te lagona..

**FOFOGA FETALAI:** O lea sa outou feiloai, o lea lava e i luma, e le o faafealofaia lea itu. Ia e faamalulu atu e faapena lagona,

**Tofa Hon FAASOOTAULOA PATI TAULAPAPA:** Ou te teena le...

**FOFOGA FETALAI:** O le soifuaga lea tatou te i ai, o tatou o taitai o le atunuu, e tatou te naunau e fai se suiga ina ia lelei le lautele o le atunuu, mo le lautele e...

**Tofa Hon FAASOOTAULOA PATI TAULAPAPA:** E pei le lautele ae faaaluu tuufau? O Samalaeulu lea, e leai Samalaeulu i le Numera 1. Numera 2 lea e sao lava le taatiaga.

**FOFOGA FETALAI:** E faamalulu atu i lau Afioga, se i fai atu lava si au tala lea atonu e tofa malie i ai lau Afioga, aua e le tuli foi i ni faamalie le finagalo o le sui usufono. O le Palemene...

**Tofa Hon FAASOOTAULOA PATI TAULAPAPA:** Ou te le faapea e faamalie mai se...

**FOFOGA FETALAI:** O lena, e faamalulu atu e lelei ona e alala mai i lalo, se i taumafai atu se upu a le nofoa faamolemole Faasoo. Faamalo faafetai e malu le nofoa i lo tatou ava fatafata ma le vafealoai. Leai o le uiga lea o le soifua e faapena. E aua foi, e sa i le Fofoga Fetalai ona o matou fanaina i le tuitui se finagalo o se sui usufono leaga o le aiatatau lea faasui usufono. Ia ae na ona o matou faamanatu atu, e le tuli foi ina ia faamalieina le finagalo o le sui usufono, i se mea o lo o finagalo i ai e tauala mai i le itumalo.

E silasila i tatou o taitai o le atunuu, i se mea e lelei ai Samoa i le lumanai.

**Tofa Hon FAASOOTAULOA PATI TAULAPAPA:** Lau Afioga i le Fofoga o le Fono, e le sili atu le sui usufono i le itumalo.

**FOFOGA FETALAI:** Ia, malo faafetai, faafetai o lau faaaloalo lea, malo faafetai. E faapena se lagona. O tatou e tofua i tatou ma mataupu e fitoitonu i o tatou itumalo, ia afai e manatu le sui usufono e faamalie le lagona o le itumalo, nai lo o le mea e manuia ai le atunuu, ia e tasi lea lona, i le faitau mai a Samoa.

O le mea la lea ou te faamalulu atu ai i lau Afioga i le sui usufono mamalu, ia o itu na, ina ia manatu le lautele o le tapuaiga a Samoa, ia aua se fofo o lena mea o le palota tatou te faitio ai, i palota uma, palota uma, ae o lea e saili fofo ma saili manogi, ina ia tatou foi i le mea e igoa o le temokarasi. O le mea la lea, malo faafetai, e le faamalieina i so outou finagalo se finagalo o le Malo i lana faamalalamalama, ae tatou te faalagolago ma faamoemoe i le Atua, e fesoasoani mai fesoasoani atu.

Ia e pei lava ona maua e teena e le Malo le teuteuga e pei ona tuuina mai e le Komiti ae ua faatuina mai e le Taitai o le Malo, ina ia manino ia tatou faamaumauga, aua ne i i ai se lavelave ma se fenumiai o mea ia. O le

faamalamalama a le Afioga i le Palemia, e faamanino ai le teuteuga lea, o le faamaninoga lena o lea o le a tuuina atu ai le fesili.

**Afioga Hon SALA FATA PINATI (Minisita mo Tagata Tafafao Maimoa Mai):** Lau Afioga i le Fofoga Fetalai...

**FOFOGA FETALAI:** Ia se i tuu atu lava le avanoa lea i le Afioga i le Minisita o Sala Pinati.

**Afioga Hon SALA FATA PINATI:** I le ava tele, ua ou tulai atu ai e fai se faamatalaga foi e tusa ai ma lenei suiga ua i ai i ai le faigamalo i le vaeveaga o itumalo.

Lau Afioga i le Fofoga Fetalai ia faapea foi le paia o le Maota nei, na ou tulai mai i le tofi, o le lona tolu nei o paeaiga, ae o le vaega muamua na tulai mai, sa faapea na aumai ai le fesili, i itumalo e manaomia le toe faaopoopo. Sa faapea ona ese lagona o lenei Itumalo o lenei Itumalo o Gagaemauga, ma sa i ai ni lagona faapea, e talosaga se matou nofoa faaopoopo i le 2006. Ae i tua atu o ia tausaga, sa i ai pea ia sui usufono o lo matou itumalo sa aumaia foi le Talosaga. Sa faapea foi i le taimi na tulai mai ai ia lou tama, tulou lava, sa taumafai lava i se sui faaopoopo, aepitai ane lea ua fai le faaiuga a le Malo, o lea e momoli atu le agaga faafetai.

E leai foi se agaga e fia faaese, ae o le agaga lava ia ina ia faafaigofie ia faiga palota. Mo le silafia o matou e autovaa i Savaii pe a fai le palota. O lau galuega sa fai ae ou te le i oo mai i le Maota lenei, ou te fai palota i Savaii i tausaga uma lava ou te alu e lagolago ia le aumatutua foi sa faapea na ave i ai ia le lagolago. Faapea lava au ou te le toe oo lava i Savaii i le tausaga lea na tea nei, i le paeaiga lea talu ai lea ou te tulai atu ai, masalo o le tausaga muamua lea o le paeaiga lea ou te le i oo i Savaii. Ae mai i isi tausaga e tele, ia o Savaii lava sa faapea ona... e i ai la le lagona pei e avatu ai se faafetai atu i le faigamalo.

Faafetai i le faatofalaiga ua faapea ona ae, ua mafai ai ona maua ia tofi, tofi faaopoopo, ou te faamalulu atu ai ia Saleaula, e le o aveesea ai le pule o lo o faapea ona taua ai Saleaula. O la e nonofo lava ia Saleaula ma le pule. A faapea foi e nofo e palota faatasi ia Saleaula ma Patamea, Mauga ma Samalaeulu, e leai lava se mea e tasi o le a suia ai. O la e silafia lelei, ma o le mea moni lava, na tatalo lo matou itumalo i Savaii, Mauga, Patamea ma Samalaeulu, ina ia motu ese latou, mai Leauvaa i le faiga palota. Ia e pei o se tala atu lea i lau Afioga i le Fofoga Fetalai, malo le lavapapale malo le onosai.

**Tofa NAFOITOA TALAIMANU KETI:** Lau Afioga i le Fofoga Fetalai...

**FOFOGA FETALAI:** Ia se i tuu atu lava le avanoa i le Taitaifono...

**Tofa NAFOITOA TALAIMANU KETI:** Ia e momoli lava le faafetai tele i lau Afioga ina ua toe maua se avanoa o lenei Komiti e tau faamanino ai le faamoemoe.

E ioeina e le Komiti lenei sa fautuaina i le lipoti a le Komiti lea tulaga lea, ma aumai ai le tali, e le taliaina e le Minisita ia e faapea foi i le Kapeneta. Peitai e le o

po se lilo, ia ma ua fofoga foi le talosaga a Saleaula, ia o le ala lea o le tagofia faanatinati e lenei Komiti, ia se feiloaiga foi ma le afioaga, e pei ona aumai ai le poloai, se i feiloai, aua lava le tuuina mai o le latou talosaga sa talia e le Maota.

Ia o le ala lea o le matou feiloai i le Aso Toonai ma le Aso Faraile na se i mavae atu nei, ina ia maua pea se sologa lelei o lenei mataupu, ia e pei ona tatalo faamaualalo mai ai alii ma faipule o Saleaula. I le matou feiloaiga, e talosaga lava le afioaga, i le tulaga o le faatumauiina pea o le nofoa o Gagaemauga Nu.2. Peitai la ina ua uma la ona ou faamanino i ai tulaga uma, i le tulaga ua talanoa ai le faavae, lea e 51 ai le aofai o sui usufono ma ua punitia ai foi le avanoa i le tulaga lea. O lea sa matou toe malilie faatasi ai, ia ma faavasega mai loa e tatau lava ona tolu ia sui usufono o Gagaemauga, Gagaemauga Nu.1, Gagaemauga Nu.2 ma Gagaemauga Nu.3.

O le finagalo lea o Saleaula a o faafofoga mai ia lo tatou nuu, ia ma faavasega mai ai e taitolu i le nofoa, Samalaeulu, pe afai o le tulaga lea, Samalaeulu, Patamea ma Mauga. Ia e faapena foi Saleaula, Safai ma Satoalepai. Ia faapena foi Avao, Vaipouli, Fagamalo, Lelepa ma Saleia.

Peitai e silasila le Komiti i le tulaga o i ai le tali a le Malo, ia e faapea foi ona lauliliuina e le Komiti, ia ua matou talanoa ai i se tulaga e faataoto, e tuuina mai le fautuaga. O lea la ua faafofoga i ai i lenei afiafi, ia o lea foi ua aumai le finagalo o le Malo, ia o le agaga lena. Na ona ou tulai atu, e faamanino, ia afai lava e le talia, ia o le agaga lena ma le faaaloalo. Ia ae lelei ona manino i le tulaga na aumai ai fautuaga i le feiloaiga lea sa toe fai mulimuli ia ma Saleaula e pei ona talia i le Palemene, e toe faatalanoaina, le talosaga faamaualalo a le afioaga o Saleaula ma le faaaloalo.

**Tofa Hon FAASOOTAULOA PATI TAULAPAPA:** Lau Afioga i le Fofoga Fetalai, i lou ava lava ma le faaaloalo, o le mea tonu lava lea...

**FOFOGA FETALAI:** Ua i ai le manatu o le nofoa o lea ua maea ona faatu mai le lafo e le Malo ma tulaga e tatau ona i ai. Ia ae manatu foi i le tatou itula faigaluega, o lea ua tatou taunuu i le mutaaga o le tatou galuega.

**Tofa Hon FAASOOTAULOA PATI TAULAPAPA:** O le mea la lea o lea ou te talanoa atu i le agaga lea ua ou talia ai le mea lea. Ua ou talia foi le fautuaga a le Komiti, ona o lea lava e Numera 1 ia Samalaeulu ma Patamea, o lea foi o Safai lea matou te sofaatasi sootulutulu, ma lou faaaloalo lava. Ae ou te lagolagoina ia le tulaga...

**FOFOGA FETALAI:** Ia e malo faafetai. Ia e faamalulu atu, ne i le oo se tala a le nofoa i outou finagalo, ou te manatu ai i le aiatatau e faamalulu atu, e faamalulu atu lava, ia ma ua ou manatu, ua tatau ona fai se faaiuga. Ua talatala foi i tua se manatu o le nofoa ma faaiuga a le nofoa, ae talu ai ona o le lafo ma faasaoga lea na faatulai mai e le Afioga i le Palemia, o le a agai tonu lava i ai ia le fesili i le lavelave ona o lea na tuuina mai le teuteuga e le Komiti o le Tulafono Tumau. E i ai le manatu ua teena ia le... e ui ina e le i tuuina atu le fesili, ae e i ai le manatu e teena. Ioe, ae o lea o le a tuuina atu le fesili, e tusa ai ma le lafo na tuuina mai e le Malo. Afai e talia le lafo e le Malo ua teena ai ma le finagalo lea o le Komiti, ina

ia faigofie ai Faamaumauga a le Ofisa o le Fono Aoa, leaga ne i i ai se fenumiaiga o Teuteuga lea, ona fai lea o se vala.

O le Fesili po o le a faamaonia le finagalo o le Malo e pei ona tuuina mai faasaoga, sa faatulai mai e le Afioga i le Palemia?

*Faamaonia le Teuteuga na tuuina mai e le Palemia.*

**FUAIUPU 2: Faamatalaina o uiga o upu.**

*Faamaonia.*

**Afioga SALAUSA JOHN AH CHING (Faleata Sasae):** Lau Afioga i le Fofoga o le Fono ....

**FOFOGA FETALAI:** E i ai se mea o faalavelave ai lau Afioga. Ia se i tulai mai...

**Afioga SALAUSA JOHN AH CHING:** O se mea e fia malamalama lau Afioga . Leai o le faasologa o Pili ne i te i ua pasia le avanoa ae le maua. Po o le mea e faasolosolo i Itumalo le faapasiaina o le Tulafono lenei. E oo mai foi i lou itumalo ona ou tulai lea, po o le mea o le taimi nei e tulai ai, i se mea e fia faamalamalama po o se mea e fia faaleleia o lou Itumalo, faamolemole. O le fesili lena ma le faaaloalo.

**FOFOGA FETALAI:** Ia malo faafetai, talu ai ona o lea tatou te faasolo i le tatou pepa o le galuega, e le faigofie le felaaai o le tatou fonotaga. Ae masalo, e faafesootai le tulaga ou te fia iloa tonu le mea lea o aumai ai lou finagalo. Ia ae o se taimi lea ona feiloai lea i tua atu o le tatou galuega mo se faamalamalama o lou finagalo.

**FUAIUPU 3: Soloia.**

*Faamaonia.*

**FUAIUPU 4: Aiaiga tau soloaiga.**

*Faamaonia.*

**FUAIUPU 1 MA LE IGOA.**

**FUAIUPU:** Igoa puupuu ma le amataga.

**IGOA:** Tulafono Itumalo Palota 2018.

**FOFOGA FETALAI:** O lo o i ai le faasaoga a le Komiti i le fuaiupu 1 ma le igoa. Tapa ma le Taitaifono o le Komiti.

**Tofa NAFOITOA TALAIMANU KETI:** Lau Afioga i le Fofoga Fetalai, ou te faatu le faasaoga i le Fuaiupu 1 ma le Igoa o le Tulafono e faapea:

**“FAASAOGA:**

Ia aveese le fuainumera 2018 ma suia i le fuainumera 2019 ma faitauina ai le Igoa o le Tulafono e faapea, Tulafono o Itumalo Palota 2019.

**Tulafono o Itumalo Palota 2019.”**

*Faamaonia le Faasaoga.*

*Faamaonia le Fuaiupu 1 ma le Igoa e pei ona Faasaoina.*

*Na faagasolo le Tulafono Tau Faaofi o Itumalo Palota 2019 faatasi ma Teuteuga ma le Faasaoga.*

**FOFOGA FETALAI:** Ua tatou toai taunuu i le mutaaga o le tatou galuega. Ou te momoli atu le agaga faamalo ma le faafetai, malo le onosai, malo le lavapapale. O nisi o tatou galuega i le faitauga faatolu ma tulaga faapena mo nisi o Tulafono, e i ai le manatu o le a taoto mo taeao. E fai aso le Alii, tatou faamoemoe i le Atua, ia faapena ona foai e le lagi e mama ma le soifua manuia, maua lo outou malosi ma le tatou malosi e toe faaauau ai ia le tatou galuega i le aso a taeao.

Ae e i ai le manatu ua tatau ona muta le tatou galuega, ae tatou te le i tolopo mo le aso a taeao, o le a ou faaiuina le tatou fonotaga i se tatalo.

*Na tolopo Taualumaga a le Fono Aoao Faitulafono i le itula e 11:04 i le po seia aulia le itula e 9:00 i le taeao o le Aso Lua, 29 Ianuari 2019.*